

DE ARTE SANCTITATIS
S E U
VIRTUTIBUS
SOLIDIS
OPUSCULUM.



Eugenius Regens

R.P. ADALBERTO TYLKOWSKI
Societatis Iesu Theologo
Publico bono propositum.

Cui in fine adjecta
Auræ Monita S. Philippi Nerei.

Cum facultate Superiorum & Privilegio.

Typis Monasterii Olivensis S. Ordin. Cist.
A. M. DC. LXXIV.

Bj. Bien. B. V. 31

Biblioteka
Ojców Kamedulów
w Bieniszewie

P. Eriani Canale in noua Vigrani



EPISTOLA DEDICA-
TORIA.

Ad REVERENDISSIMUM
Patrem

P.F. GABRIELEM BOZEY,
S. Ordinis Cisterciensis Professum.
S. T. D. & Secretarium.



Ifi ego probè scirem, ab
iisdem maximè Sancti-
tatem aestimari, à qui-
bus maximè exercetur:
nunquam coram Te Re-
verendiss. Pater cum isto
de Arte Sanctitatis Opusculo comparerem.
Quid enim esset illi Artem Sanctitatis offerre,
qui annis pluribus in suo Ordine Sancto

EPISTOLA

Magister extitit Sanctitatis? Quid inquam,
illi scriptum de Virtutibus solidis consecrare,
cujus Ordo monti solidissimo, Matri scilicet
immutabilis Dei ita innixus est, ut Pontifici
cuidam, ejus firmitatem rimanti, denunciari
jusserit. Tu Ordinem Cisterciensem, cuius
Advocata ego sum, destruere conaris? sed
non prævalebis, & nisi citius de Tu[m]o malo
resipiscas, ego te & omnem tuam potestatem
conteram. Civitas est supra firmam petram
posita, Taus sanctus Ordo quem non venti
concutere, non flumina subluere possint.
Tu ipse etiam tuam soliditatem ita probas, ut
in omni gradu ac dignitate Sancti Ordinis
tui, ita egisse fueris judicatus, ac si ad eum
solum factus essem, semper immotus. Semper
tranquillus semper inconcussus. Et certè si
que est solida virtus, illa haud dubie quæ nul-
lam alieni admixtionem patitur, pru[n] bac ver-
testimonium cælum Vobis dedit, cum vos pro-
digioso candore vestrum, miraculo certè in-
usitato,

DEDICATORIA.

usitato, vestivit, ut cælum pro candore vestræ
sanctitatis se omnib. vadē exhiberet. Tua verò
Pater Reverendiss. particularis Virtus toties
candidum à tota sua S. Religione calculum tu-
lit, quoties ad honores & dignitates, non tam
vocatus, quām deportatus es in vitus. Hæc
qui respicit, fortè in meo isto facto quandam
audaciam, quām naturum interpretabitur
Consilium. Verū, & arma si militi offe-
ras, & studio librum, & artifici illius
artis instrumentum, minimè rem temera-
riam agas. Nullibi verò sermo de Virtute
magis in pretio, quām ubi virtus in usu con-
tinuo versatur. Nullibi major cupidus est il-
lorum per quæ acquiritur, quām ubi jam in
possessione tenetur. Proinde omnia illa ar-
gumenta quæ contra me esse poterant, pro me
militant. atque ita Magistro sanctitatis in-
strumenta Sanctitatis liberè offero: Ordinis
solidissimi Professo virtutes solidas, Candi-
dissimo, puras. Admitte munus Religiosum

EPIST. DEDIC.

& hilariter in manus Tuas recipe, & per
hoc illi ultimum, quo caret, complementum
adjice: nimirum, doctrinæ de virtutibus ma-
nus esse alacriter ad movendas.

Vilnæ 18. Iulij |
Anno 1673

Reverendiss. Paternit. Tuæ

addictissimus

ADALBERTUS TYLKOWSKI
Societ. Jesu,

SERIES



APPROBATIO
ORDINARII.

Imprimatur.

N. SŁUPSKI.

E. G. A. E. V. S. V.



S. CHRYSOSTOMUS.

Indignantur homines tam parum labore, ut virtutem possideant, cuius tamen tam utilis est possessio. Quod si scirent, improbi in hoc vitæ cursu nihil bonum nisi virtutem solam; non pecunias, non sanitatem, non potentiam, non aliud quippiam: nihilque malum in hac vita nisi improbitatem & malitiam animi; non paupertatem, non ægritudinem, non contumelias quæ horribilia esse putantur; non ita animum abjicerent: non ita de rebus humanis statuerent.

Chrysost. Orat. de provident.

SERIES



SERIES CAPITVLORVM hujus Opusculi.

I.	Cap. Quæ sint solidæ virtutes, & quibus parentur instrumen-	tis.	pag. 1.
II.	Meditationes quæ nos humiliant sub Deo.		pag. 4
III.	Brevis meditatio mortis.	7	
IV.	Ultima compositio hominis cum Deo.		pag. 10.
V.	Humilitas erga proximos.	13	
VI.	De Fortitudine considerationes aliquæ.		18
VII.	De Novissimo die Judicij.	19	
VIII.	De pœnis Inferni.	21	
IX.	De Gloria Paradisi.	23	
X.	Meditatio multarum utilitatum ex his, quæ foris, & intus patimur.		27
XI.	Me-		

SERIES.

- XI. Meditationes pro altera fortitudinis parte, quæ est, aggredi difficultia. 31
- XII. Meditationes De Paupertate. 34
- XIII. De Castitate. 37
- XIV. De Obedientia. 42
- XV. De discreta Charitate erga Deum. 48
- XVI. De altero Charitatis actu & affectu. 58
- XVII. De discreta Charitate erga proximum. 65
- XVIII. Cur, & quare Discreta Charitas appelletur. 70
- XIX. De meditandi modo. 75
- XX. De II. Instrumento, hoc est, de petitione. 78
- XXI. Indevotionis, ac distractionis remedia. 83
- XXII. De III. Instrumento, hoc est, exercere affectus virtutum. 88
- XXIII. Affectus erga Deum. 97
- XXIV. Affectus erga Proximum. 99
- XXV.

CAPIT.

- xxv. Quo ordine, & quibus temporibus prædicta tria instrumenta tractanda sint. 102
xxvi. Conditiones Orationis. 107
xxvii. Impedimenta Virtutum. 113
Sententiæ & documenta S. Philippi Nerei. 124
Orationes jaculatoriæ. 154

SOLI DEO GLORIA.



S. A M B R O S I U S.

Nulla est sine labore virtus, quia
labor processus virtutis est.

S. Ambr. lib. 2. de Cain & Abel. c. 2.

H E S I O D U S.

Ad vitium facilis, vicinaque semita cunctis
Panditur, at virtutis iter posuere remotum
Coelicolae, durumque prius, sed vertice summo.
Dum fuerit, palam se offert quarentibus illud.

—
—
—
—

DE AR-

DE ARTE SANCTITATIS

Secu

SOLIDIS VIRTUTIBUS
OPUSCULUM.

Quæ sint solidæ virtutes, & quibus
parentur instrumentis.

C A P. I.



Olidæ sunt virtutes,
quæ hominem in E-
vangelica perfectione
conitabiliunt. Est au-
tem perfectio: ut no-
bis, mundoq; mortui,
D EO vivamus.

Illa autem duabus constat partibus.
Una amorem nostri, & creaturarum ab-
negat, & mortificat: Altera, ita Deum in
D EO diligit, ut unus spiritus fiat in eo.

A

Et

DE ARTE

Et prior quidem pars abnegat, & mortificat.

1. Sui aestimationem humilitate.
2. Fortitudine, & patientia naturalem nostri amorem, ob quem tristia, adversa, ardua, terribilia reformidamus.
3. Paupertate affectum terrenorum bonorum.
4. Castitate concupiscentiam carnis,
5. Obedientiam Amorem libertatis, voluntatis, & judicij nostri.

Adhæc autem quinque, virtutes reducuntur ceteræ, quæ inordinatos alios affectus mortificant, atque abnegant.

His adde charitatem, quæ est vinculum perfectionis, & pertinet ad perfectiorem ejus partem tanquam ad summam arcem totius Christianæ iustitiae.

De his igitur sex virtutibus hic erit agendum. Harum, sicut & aliarum virtutum, tria potissimum sunt instrumenta,

1. Est Consideratio, ac Meditatio earum rerum, quæ solent, ac possunt

sunt in voluntatibus nostris ingentem singularum virtutum amorem, ac studium excitare.

2. Est suppliciter eas petere à fonte bonorum omnium: nam Meditationes aliqualiter, & remotè disponere possunt materiam, formam vero Deus introducit.

3. Est frequentia operum, quæ singulis sunt propria virtutibus, inde namque aliquis generatur habitus.

Supereft jam, ut modum tradamus apte, & utiliter tractandi hæc instrumenta ut per ea virtutes solidas consequamur.

Et ut à primo instrumento fiat initium, virtutibus singulis assignandæ erunt propriæ Meditationes, exordio sumpto ab Humilitate virtutum omnium fundamento.

Meditationes quæ nos humiliant
sub DEO.

DE ARTE

CAP. II.

Humilitas primum sub Deo , deinde
sub proximis nostris nos humiliat,
ac prosternit utramque partem docet
S. P. Ignatius in Exercitio secundo de
peccatis punto quarto, & quidem in
perfectissimo quodam gradu, ac de hoc
sic loquitur.

Cognoscendum est quis sit Deus, quem
ego offendi, collectis, comparatisque
perfectionibus attributis DEo, ut pro-
prijs cum oppositis nostris vitijs, atque
defectibus: summam scilicet ejus poten-
tiam, sapientiam, bonitatem, & justitiam,
cum mea extrema infirmitate, ignoran-
tia, & iniquitate conferendo.

Hæc vero comparatio, quæ totius est
Humilitatis fundamētum copiose possit
dilatari, at proposito nostro satis erunt
sequentes Meditationes;

Primò. Deus non ex alio est, sed ex se
omnis substantiæ pelagus, quare dixit
Moysi ego sum qui sum , & ego ostendam
omne bonum tibi. Homo

SANCTITATIS.

9

Homo autem ex se ipso nihil est, ex nihilo creatus, & in nihilum redit; si à Deo non sustineretur etiam in nihilū redigeretur. Insuper nihil est, quia ingratus est erga eum, per quem est quicquid est. Ideo Apostolus verè ait: *Si quis existimat se aliquid esse, cum nihil sit, ipse se seducit.*

Secundo. Dei sapientia, Potentia, Bonitas, Charitas, Simplicitas, Justitia, Misericordia, Beatitudo, Opulētia, cōteræq; perfectiones usque adeò super nos eminent: ut quæcunque sunt à nobis bona, umbra, scoriæ, sputa, feces videantur: admista etiam imperfectionibus multis.

Nam quot in scientia nostra latent errores, & tenebræ? quantæ servitutes in libertate? quot dolores in consolationibus? quot infirmitates in fortitudine? quot miseriæ in aliqua felicitatis aura? quot indigentia in opulentia? quot deformitates in pulchritudine? O Domine, dignum ducis super hujuscemodi aperire oculos tuos:

A 3

Tertio

DE ARTE

Tertio. Divinæ magnitudinis nullus est finis, ut postquam meditatione plura spatio confeceris, in immensum plura supervisint adhuc quam emensa sint.

Ego vermiculus quantus ero si me comparo cum populo unius civitatis, aut Regni, aut Europæ, aut cum omnibus hominibus, qui sunt, fuerunt, aut futuri sunt? Vix atomus videbor comparatus cum mari, aëre, cum Cœlo, cum exercitibus Angelorum; quid cum incircumscripta substantiæ tuæ Deus immensitate? verè substantia mea tanquam nihilum ante te? Omnes omnium creaturarum substantiæ si essent voces, & cymbala in tuam laudem resonantia, vix ante te essent folium crepitans in vasto nemore.

Quam admirabilia sunt opera Dei!

1. Ex nihilo creare.
2. Pugno cœlum concludere.
3. Terram dígito sustentare.
4. Providere omnibus creaturis.
5. Justificare.

6. Dam-

SANCTITATIS.

6. Damnare.
7. Glorificare.
8. Miraculis leges naturæ commutare, & alia.

At, quis nostrum cogitans potest adgicere ad statu ram suam cubitum unum? ne manum quidem, aut pedem, nisi Deo movente nobiscum, movere possumus. Qualis est hic servus qui nec Domino, nec sibi quicquam ministrare potest, nisi Domini bracchio adjuvante.

Quinto. A seculo, & usq; in saeculum tu es Deus. Tu autem idem ipse es, & anni tui non deficient. Et, apud te non est transmutatio, nec vicissitudinis obrumbratio.

At, homo natus de muliere, brevi vivens tempore, repletur multis miseriis: qui quasi flos egreditur, & conteritur, & fugit velut umbra, & nunquam in eodem statu permanet.

Brevis Meditatio mortis.

CAP. III.

Quoniam DEI æternitati opponitur variabilitas vitæ nostræ, considerandum

randum est. 1. Quam pudenda foeditate homo generetur, nascatur, educetur.

2. Quot vitæ calamitates, & timores. Nullus sua sorte contentus, quia quilibet stat⁹ est gutta mellis in absinthij gurgite.

3. Veniamus ad exitum, quid certius, quid incertius mortis horā, & loco? totā vita itur ad mortem, cum ejus pavore vivitur perpetuō in omni loco, in omni tempore impendet capiti nostro ensis dō cœlo: imò tot enses, quot creaturæ.

Omnes quasi armatæ in ultionem Creatoris: atque ideo omnes possunt, ac subinde solent occidere hominem.

Progrediens ex utero matris tanquam ex carcere condemnationis suæ, inde enim trahit originale peccatum, ob quod damnatus est ad mortem, egreditur tanquam trahendus ad patibulum, præcedit Præco sententiam inclamans. *Statutum est hominibus semel mori.*

Ipse met reus defert tanquam inscriptam pectori causam damnationis suæ,
circum-

SANCTITATIS.

9

circumferens mortalitatem suam tanquam testimonium sui. Circumstant creaturæ omnes tanquam carnifex parati ad primam vocem Judicis. Tonitrua, pestes, famæ, terræmotus, procellæ: sunt tanquam tubæ quæ præcedunt ministros justitiæ, & mortem denuntiant. Omnes tandem perveniemus ad lectulum mortis naturale, tanquam ad patibulum suspendij.

Quot angores, quot timores, impendentium malorum? quot dolores relinquendorum bonorum? quot tunstiones conscientiæ! O mors quam amara est memoria tua, homini habenti pacem in substantia sua?

4. Quid de sepultura? Putredini dixi
Fæcer meus es tu, mater mea, & foras mea
vermibus.

Hæc sunt insignia gloriæ nostræ, ut
mors pro gemmis & annulis, ut nuditas
pro purpura & holoserico, terra putris
pro mollibus stratis, fetores pro odora-
mentis,

mentis, tumulus angustus pro palatijs,
conculcari pedibus super ambulantiam
pro tribunalibus, confortia mortuorum
pro amicorum convivijs, esse in obli-
vione bonorum; pro tot applausibus &
acclamationibus. *Quid superbis terra, &*
anis?

Ultima Compositio hominis cum DEO.

C A P. I V.

PRIMO. Dei voluntas, & sapientia lex
est æterna, forma rectitudinis, libra
justitiae, impollutæ innocentiae sanctitas,

At homo in iniquitate concipitur. Bibit
sicut aquam iniquitatem. Posternitus
sub omni ligno frondoso; & fronte qua-
dam meretricis nullū scelus erubesceret
si posset, aut si non timeret, aut si DEI
manu non retraheretur.

SECUNDO. Peccando rebellat, à suo Re-
ge subditus, ab hero mancipium, à ma-
gistro discipulus, ingratus à suo bene-
factore,

factore, ovis à pastore, opus ab artifice,
sponsa à sponso, filius à patre. Et quia
gravitas offendæ ab officijs dignitate
mensuratur, sicut infinitæ sunt in Deo
perfectiones, ita cū jusque peccati est
aliquomodo infinita perversitas, nullis
tormentis, quibus cruciari potest pecca-
tor expiabilis. Facile est inopi modicâ
faculâ incendere palatium thesauris ple-
num, at quando restituet tantum incen-
dium?

Tertio. Deus quidem in se ipso injuriæ
est incapax.

At ego quantum in me fuit abstuli à
Deo regnum, quia afferre illi non sum
veritus titulum ultimi finis: nam hunc
in carne, & sanguine posui. Sapientiam,
ne mea delicta videret; Justitiam, ne pu-
nire vellet: Potentiam, ne posset. Dere-
liqui fontem aquæ vivæ pro vili cister-
nula. Inspirationes, stolam innocentiae,
indumenta salutis, gemmas gratiarum,
monilia virtutum abjeci pro si liquis-
por-

porcorum. Quomodo tot iniquitatis
meæ fœtores sustinere possum?

Quartò. Impinguatus, incrassatus, dilatatus recalcitravi, pugnavi in benefactorem meum, non alijs armis, quam ejus donis. Nam voluntas, sensus, membra, usus rerum quibus peccavi, dona Dei sunt. Filios enutrivi, & exaltavi, ipsi vero spreverunt me! & ubinam sprevi? In ejus Regno, Castris, Domo, conspectu. Etiam Reginam (dixit Assuerus) vulnus opprimere me præsentem? cur non omnia quæ fecit Deus, vindictam de me sumunt; aut totidem jacula non irruunt in caput meum? Quis Dæmonum impetum adhuc reprimit? idem qui læsus est.

Quintò. Ordinatione tua perseverat dies, quoniam omnia serviant tibi; ut quâdam stateræ normâ dimensæ.

Homo solus in tanto rerum ordine chaos inducit, nec audit tot creaturæ voces ad obsequium Creatoris invitantiū; nec videt fulmina Divinæ justitiae,

S A N C T I T A T I S .

13

tix, quæ vibrantur in scripturis etiam adverius sanctos, ut Moysen, & Davidem, ob esum vetiti pomi quot miseriæ in Adam, & in posteros? ob unum delictum quot principes & potestates à summo ad imum ruerunt. Cadentibus cedris libani, quid faciet hyssopus, & myrica deserti?

Quin etiam quoniam filius ejus peccata mea suscepit expianda; Nec proprio filio pepertit, sed eum tradidit in supplicium omnium atrocissimum. Si in viridi ligno hæc fiunt, in arido quid fiet?

H umilitas erga proximos.

C A P . V .

Usque adeo voluit S. P. Ignatius nos humiliari sub proximo, ut quilibet alios omnes sibi existimaret superiores juxta illud, *Humilitate superiores sibi invicem arbitrantes.* Et, *Christus venit peccatores salvos facere quorum primus ego sum. Subjecti estote omni humanæ creaturæ propter DEum.* *Vade, & recumbe in novissimo loco.*

B

Hoc

Hoc pleriq; Sancti dixerunt. Et verè dicere se putabant. Ad quem humilitatis gradum, duabus possumus Considerationibus adjuvari.

Consideratio Prima.

Distingue in corde tuo duo cubicula, in uno repone omne malum. ut , nihil, inhabilitates omnes, delicta & tormenta omnia, quorum hominis vita capax est. Hæc omnia tua sunt tibi.

In altero colloca quicquid substantiæ, habilitatis, virtutis, gratiæ à Deo acceptisti, ac propterea non tua sunt ex te, sed Dei in te. Ad posterius cubiculum nunquam respicias, nisi quando velis in te ipso vel gratitudinem in DEI laudem, vel confidentiam contra pusillanimitatem, vel magnanimitatem in fortiter obviandis periculis, & ministerijs pro salute proximorum. De reliquo oblitus posterioris cubiculi, ac si ad te non pertineret , totum in priore desigas obtutum, idque duabus de causis.

Prima

Frima. Quia in illis requirendis bonis tam parum de tuo apposuisti, ut vix tua sint: nam si naturalia, vel gratitiae sunt, in utrisque penitus plurima à Deo suat: si in aliquibus tua etiam voluntas concurredit; quot istam Deus præparavit, & allexit illuminationibus, & flagellis? quanti constitit Christo? & tempore, quo vocatus es ad salutem, quæ potius tormenta non merebaris?

Secunda. Quia tamen corruptæ naturæ es, ut de tuis bonis tantisper cogitando, ea polluas non parum, vel opinando esse majora quam sint, vel complacendo tibi, vel alios posthabendo, vel tepescendo in bono, tanquam satis multa jam paraveris, vel usurpando tibi nescio quam gravitatem, ut non facile movearis obedientiæ ductu. Hæc & alia mala caveri non possunt aliter, quam, & perpetuâ tuorum honorum oblivione, ac si non magis tua essent, quam Indorum præ-
~~l~~ ^{et} ~~xim~~ ^{perpetuâ} erubescentiâ de tuis

DE ARTE
peccatis & defectibus, dicendo cum Da-
vide: peccatum meum contra me est semper.

Consideratio Secunda.

Primo. Quia & Philautia non finit re-
esse bonum Judicem in causa tua, & eo-
rum quae videntur in proximis valor-
pendet ex eorum cordibus, quae nescis:
nec vides, quibus aut visitationibus visi-
tentur a DEo, aut poenitentijs eluant
quae peccant, aut præparationibus ani-
mi sint ad martyria, aliaque ardua, quam
tu promptiores. Et si tu in aliquo ex-
cellis, in multis potes esse deterior, & si
foris videaris magis vacare Deo, quid si
tua etiam indigentia major est & pluri-
bus eges remedij, quia pluribus morbis
laboras, vel majora debita contraxisti?

Secundo. Etiam si scires tua bona alien-
nis esse potiora, nulli tamen præferre te
debes, tum quia prædestinationis igno-
ras exitum, & forsan ad horam nunc
gaudes, alter in perpetuum: tui
Pris

gratiiora sunt Deo modica bona humiliantis se, quam grandia turgescientium, qui propterea facile ruere permittuntur: tum quia si gratias tibi collatas habuissent melius usi forsitan fuissent, & si tibi minus gratiae datum fuisset, graviora perpetrassiles quam alij: tum quia alia sunt iudicia Dei quam hominum, nam etiam stellae non sunt mundae eorum eo. Et in Angelis suis reperit pravitatem. Et, omnes justicie nostra, pannus menstruatae. Et, in omnibus deficitus omnes, & in pluribus quam putemus. Qui quotidiani lapsus eò magis Deo displicant, quò majoribus donis nos ad suam adscivit amicitiam. Nam, cui plus datum est, plus exigetur ab eo; Et si inimicus meus maledixisse mihi sustinuisse atiq: tu vero unanimis &c. Quare nihil tutius, quam cum Apost. semper dicere Christus venit Peccatores salvos facere, quorum primus ego sum, ut inhabitet in nobis virtus CHRISTI. Cujus humilitati, & exinanitioni si nostra conferatur, erit

DE ARTE
superbiæ quam humilitati similior.

De fortitudine Considerationes
aliquæ.

C A P. VI.

Duæ sunt fortitudinis partes, una pa-
tienter sustinere, quæ vehementer
affligunt, aut pudefaciunt: Altera ag-
gredi, & vincere ardua; ac terribilia.
Nunc de singulis, ac primum de Patien-
tia. Ad hanc vero nos excitare possunt,
hæ Meditationes.

Prima. Degimus in statu poenitentiæ:
itaque ad tristia, & dura nos paremus,
& ad falsas criminationes &c. Nam si
in quibusdam non delinquimus, de quibus
accusamur: at alia committimus, quo-
rum poenæ luendæ sunt. Nos aslueti
injustitiæ, Deum quoque putamus obli-
cum justitiæ: ne oderit quæ nobis pla-
cent. Similes infami mulieri, quæ post
publicum adulterium redit ad virum,
putatq; se tractandam sicut antea.

Secun-

*Secunda. Qui timet pruinam, irruet super
eum nix. Colaphum si patiamur, Deum
placare possumus in hoc sæculo, quæna
in futuro multis vulneribus placare nou
licebit. Proderit igitur hic meditari no
vissimum diem Judicij, & poenas Inferni:
ut extremam timentes procellam, bre
vem nunc nebulam feramus haud gra
vatè.*

D e Novissimo Dic Judicij.

C A P . V I I .

*Q*uis potest cogitare diem adventus ejus?
Dies iræ, Dies illa, tribulationis, & an
gustiæ. Quantus tremor est futurus ad
Archangeli vocem, & tubam Dei citan
tem ad tribunal, & reas animas retru
dentem.

2. Quot prodigia de cœlo sursum, &
signa de terra deorsum minabuntur in
teritum; stellæ de cœlo cadentes, rugi
tus fluctuum maris, terræ motus, cœlo
rum virtutes, cometæ, fulgura, & toni
trua.

trua. Hæc erunt arma ultricia Creato-
ris, & luctuosa præsagia morituri patris
familias, hoc est Hominis.

3. Quot habebimus accusatores, &
testes? Dœmones, quibus succubuimus;
Angelos quorum custodiam negleximus,
sanctos ob contemptas eorum doctri-
nas, exempla, patrocinia: omnia deniq;
quæ in mundo sunt, quibus abusi sumus.

Proximos, quibus scandalo fuimus,
ipsi conscientiæ libri aperientur, reve-
lante Deo illa quorum nos pudebit in-
conspictru cœli, & terræ. O confusio-
nem! in quas nos abscondemus caver-
mas?

4. Ex Judicis ore gladius egredietur
bis acutus, & eò severior, quô patien-
tior. tot sœculis arcum tetendit justitiæ
suæ, quâ feriet vehementia? tum fulmi-
nabit ex alto. *Ite maledicti in ignem &c.*
Ad hanc vocem quantus fiet ejulatus, ac
fragor in tota valle Josaphat? Quo ap-
pellandum? quis advocatus? suarum vo-
lunta-

S A N C T I T A T I S.

Iumentum amatores, paternæ impatiētes
obedientiæ tradentur tortoribus, & ini-
micis, quib⁹ cum nunquam licebit suam
implere voluntatem.

D E Pœnis Inferni,

C A P. VIII.

Quale tunc erit spectaculum aspicere
hinc sanctos cum gloria, & in exul-
tatione in cœlum ascendētes cū Christo,
hinc reos innumerabiles subito terræ
hiatu absorptos in præceps ad mundi
centrum, ut loco etiam longissimè ab-
fint à regno Dei, à cuius præceptis vo-
luntate etiam recesserunt longissimè.

2. O tērriam gehennæ, voragine in
in qua cruciabuntur oculi aspectu De-
monum & tenebrarum obiectu.

Aures contumelijs, insultationibus
blasphemijis, ululatibus desperantium,
& miserorum.

Odoratus foetoribus, quoniam in In-
fernū ut in mundi cloacam, & senti-
nam confluent omnia foetida. Gu-

Gustus felle, & absinthio.

Tactus per omnia omnibus morborum, dolorumque generibus, quæ experiuntur in hoc sæculo homines, & majoribus. Nam sicut de Beatis in bonum, ita de Damnatis in malum valet illud:
Nec oculus vidit, nec auris audivit. &c,

3. Quid flammam rū clibanus, in quo sicut in mari pisces miseri natabunt? Ignis ille non ut naturæ sed ut DEI instrumentum comburet tanto vehementius, quanto robustiori manu ensis ille vibrabitur: sed plus torquebit vermis conscientiæ, & atrox afflictio spiritûs, cum suale culpâ, & negligentiam videbunt demersos in hanc malorum omnium colluviem quam labore inodico fugere potuissent, & privatos à summo bono, ad quod totus naturæ impetus tendit.

4. Super omnia torquebuntur æternitate poenarum, quia postquam mille, & mille annis lugebunt, tantundem lugendum illis superest, quantum antea:

nulla

nulla spes, nihil solatij doloribus admiscebitur, succendetur ignis lignis nostrorum peccatorum conflatus iræ Omnipotentis Dei, quæ nunquam deficiet. O Domine hic ure, hic seca, ut in æternum parcas, da ut nunc libenter patiar ad horam extremum dñiti in aqua frigida, quam æternæ fornacis incendia.

De Gloria Paradisi.

C A P. IX.

EOs qui persecutio[n]es patiuntur Dominus consolatur his verbis : *Gaudete et exultate, quoniam merces vestra copiosa est in celis verè copiosa, quoniam non sunt condigne passiones hujus saeculi ad futuram gloriam.* Ad consolationem itaque eorum qui tribulantur, & amaro sunt animo proderit sequentia meditari de futuræ Beatitudinis præmio.

i. Quam felix erit resurrectionis dies cùm mortale corpus ex vermisbus & putredine resurget ad statum à morte & passio-

passionibus exemptum? ex infirmitate,
& languore ad infatigabilem agilitatem,
quia nullo obice volabit statim quo vo-
let: ex opacitate tenebrosa ad claritatem
solis æmulam, ac pulchritudinem cœlo,
& stellis formosiorē? ex perpetua pu-
gna cum spiritu ad perpetuam cum eo
pacem.

2. Quæ voluptatis exuberantia per
singulos sensus?

Oculi fruentur omni pulchritudinum
varietate, quæ in corporibus esse solet,
& potest ex varietate colorum, motuum
& figurarum.

Auribus infonabit omnis harmonia
sive instrumentorum sive vocum. Odo-
ratus hauriet omnium aromatum, flo-
rum, unguentorum fragrantiam.

In gustus sensum stillabunt montes dul-
cedinem, et colles fluent lac, & mel.

Tactus undique perfundetur Empy-
rei cœli attractu suavissimo & perpetuâ
ro, temperie inter rosas, & lilia; concu-
piscentia

piscientia non appetet nisi fructus decoris, & honestatis, & quod appetet obtinebit. Irascibilis nihil arduum, nihil incerti casus timebit, quoniam secura ad æternitatis umbram accubabunt consortia Beatorum.

Quantum intellectus clarescat lumine gloriæ, cuius comparatione caligo est scientia nostra, tot comparata laboribus; tot admixta erroribus; in momento tunc patecent arcana naturæ & gratiæ, & intuebuntur Beati cumulum honorum omnium, & pulchritudinem in clarissimo speculo, videntes quomodo ab uno fonte, creaturæ omnes procedant, ac pendeant ut à sole radij: Quomodo à Patre filius generetur. Et ab utroque Spiritus Sanctus procedat; Quis amor & complexus Divinarum Personarum in admiranda illa unitate. Cessabunt tunc providentiæ nostræ incerta consilia, & certiori aliâ navigatoriâ pixide cursus nostrarum actionum dirigetur.

4. In voluntate quanta inundabit
alacritas, & extasis amoris ad infiniti
boni præsentiam, & sanctorum inter se,
& cum Deo amicitia, quæ quidem longè
erit ab omni miseria, quam nunc in ami-
citijs experimur.

Quantus voluptatis, & fruitionis tor-
rens, nullâ admixtus amaritudine, vel
anxiæ sollicitudinis, vel indignæ fædita-
tis, quanta tunc erit libertatis perfectio?
Quando non amplius: vitijs quibus nunc
agimur serviemus!

Quantus honor, & laus erit in splen-
doribus sanctorum? Et ex ore Dei cuius
nec fallax, nec instabile judicium? Quid
solatij ex recordatione præteriorum la-
borum, & periculorum? Quæ tranquilli-
tas in Regno pacis longe à tumultibus,
& deordinationibus, super quas in hac
lacrymarum valle gemimus? Quod imperium,
& dominatus in omnes creatu-
ras? Anima namque sponsa Regis sœcu-
lorum: erit Regina de Thalamo Regis.
Quæ

Quæ plenitudo, & satietas non emendicantium guttulas aquarum pendentes ex varijs creaturis; sed exultantium in ipso fonte in quo uno erit cumulus omnium concupiscibilium, & quies omnium desideriorum? Quis igitur non libenter portabit pondus diei & æstus protanta mercede? Ingrediatur putredo in ossibus meis, & subter me frateat, ut ascendam ad populum accinctum nostrum!

Meditatio multarum utilitatum
ex his, quæ foris, & intus
patimur.

C A P. X.

Foris quæ patimur modica sunt, umbra potius passionum. Itaq; patientiae nostræ laus præcipua quædam est in interioris hominis mortificatione, in pugnando cum voluntate, & judicijs nostris, in perplexitatibus, repugnantijs, quæ turbant animi pacem, quam adeo fitimus: & aliquando potius ex amore

nostrī, quam Dei, in istis nos consolemur
quia *virtus in infirmitate perficitur*; unde
Christus ita voluit subire agoniam timo-
ris, tristitiae, tædij, ut tandem clamaverit
Deus meus, ut quid dereliquisti me. Igi-
tur omnia quæ foris, & intus patimur,
sive à Deo, sive ab homine fortiter fe-
renda sunt, etiamsi nulla fuissent peccata
nostra, nullæ poenæ peccatis debitæ,
nulla futuri sæculi præmia. Ferenda
itaque libenter sunt duabus de causis
est perfectio virtutis nostræ; siqui-
dem non tam persecutio, & amari-
tudines exterius, quam miseriæ & de-
ordinationes interius, sunt quædam
frena, ne pinguis equus recalcitret. *Bo-*
num mibi quia humiliasti me. &c. Est etiam
humilitatio cinis conservans ignem. Spe-
culum quoddam, in quo clarè videmus
infirmitatem nostram. Et quidem cor-
rueremus ex nobis, nisi juvaremur à
Deo. Et quæ mereremur si Deus cuim
servis suis intraret in judicium? Sunt
picturæ

picturæ nostrarum foeditatum; ut inde concipiamus odium, & naufragium nostræ & humanæ vitæ; sicut infans ablactari solet felle; Sunt pignora honorificentia nostræ, quoniam eò gloriosior triumphus, quo conflictus amerior. Strenuos enim Deus diligit, non ignavos milites; virtus in arduis versatur; non in quiete, sed in procellis enitescit.

2. Causa est charitas Dei, quâ urgente clamat Apostolus. *Quis nos separabit à charitate Dei &c.* *An gladius &c.* Sanctis enim certò constitutum erat, quæcunque foris, aut intùs accidebant; ex Dei prævidentia, ac voluntate descendere, & quoniam charitas non quæ sua sunt, sed quæ Dei sunt quærit; de manu Dei omnia suscipientes clamabant; *Sicut Domino placuit, ita factum est, sit nomen Domini benedictum.* Serviri sibi vult tantus Rex ab Angelis in fortitudine, ab hominibus in infirmitate, nec minus gratum est aliquando obsequium, ac munus inopis, &

luxati, quam divitis, & fortis. Gloriosius
Deo est si ei non suo, sed nostro sumptu
serviamus, non in lætitia, sed in sorde
& pulvere, quamvis enim sine ejus gratia
hæc pati non possumus, ea tamen ita tem-
perat, ut non omnem auferat difficulta-
tem; vult ut diligamus ipsum propter
ipsum, non ejus dona, aut propter dona.
Hæc enim ultissima est perfectio, ad quā
vult à nobis ascendi, & dona ab ipso data
esse agnosci, & non ut propria à nobis
possideri; Ideò per aliquam sui subtra-
ctionem, fidem, & charitatem nostram
probat, sicut aurum in fornace; Tandem
cum omnia propter se ipsum creaverit,
in tribulationibus nostris ampliorem ha-
bet materiam gloriæ suæ; manifestando
tum majestatem suam; ad reverentiam
enim magis properat Animus noster ful-
mine tribulationis, quam tranquillitatiris
illecebrâ motus. Tum, Bonitatem, plus
enim se communicat, quo plūs egemus,
& poscimus in adversis, quam in prospe-
ris;

ris; tum fidelem amorem, qui amicos, quamvis ad ima demersos, nunquam deserit sperantes in eum; Imò eos adversis terrendo, ad se tanquam ad Asylum facit confugere, quo intimiori cum eo jungantur amicitia.

Meditationes pro altera fortitudinis parte, quæ est aggredi difficultia.

C A P. X I.

Cum Sancti pro amore Dei ardua aggrediuntur: recte nōrunt non defuturas contradictiones varias, arte, & consuetudine, & invidiā Dœmonum opponendas; sed ad eas vincendas fortiter armantur: duobus potissimum instrumentis.

I. Est, plena diffidentia propriarum virium, cùm verè dixerit Dominus. *Sine me nihil potestis facere.* Dummodò sic nobis diffidamus, ut tamen quæ præstare possumus non omissimus. Possemus

tamen tūm oculatiūs examinare an in nobis aliquid Deo displiceat , propter quod istam nobis imminiserit tempestatem; ut Jonaz fuginti&c. Tum humiliūs implorare consilia aliorum, quibus aut neglectis, aut perfunctoriè auditis, frustra à solo Deo , quem superbi tentant, pendere volunt ; sive subditi, sive Prae- lati sint.

2. Est, Scutum, fidei, & orationis cum plena in DEUM , cuius negotium & causam agunt, fiducia, ad quam exditandam sequentia meditari proderit,

1. Dei bonitati proprium esse sua communicare, ac ideo omnibus dat affluenter, & non improperat.

2. Amor infinitus Dei erga nos , superat amorem Pastoris in oves, Nutricis in infantem , Sponsi in Sponsam, Matris in filium. Quantâ isti sedulitate vigilans pro suis, & tamen. Nunquid Mater oblivisci potest infantis uteri sui? & si illa oblitus fuerit, ego tamen non, obliviscar tui.

3. Ut

3. Ut provideat nobis Deus movetur
ex amore essentiæ suæ, cuius homo ima-
go est, & organum laudis Divinæ ; Si ad
finem tam altum vitæ æternæ nos desti-
navit, an non dabit baculum, & peregrin-
antibus, & arma militibus suis ?

4. Non rogatus creavit mundum
pro homine, nec inimicis denegat solem,
& pluviam, an minora rogantibus ne-
gabit, & amicis ?

5. Ecce hortatur ad petendum, & non
petentes objurgat ? si dare noluisset,
nunquid hoc faceret ? Imò super alia
laudis sacrificia diligit illud *Invoca me in*
die tribulationis, Exaudiam te, & honori-
ficabis me ?

6. Qui proprio filio suo non pepercit sed
pro nobis omnibus trædidit illum ; quomodo
non & cum illo omnia nobis donavit ? &c.

Huc intercessio Matris Domini, &
omnium sanctorum pertinet quorum
charitas consummata cùm sit, quid pro
gloria Dei, & salute nostra non præsta-
ret ?

7. Tan-

7. Tandem Sancti Patres docent quicquid in fide petitur, & humiliter in petendo perseveratur, obtineri ipsum: vel si id non expediat, aliud æquale, seu melius, non enim frustra Dominus ait: *Omnis qui petit accipit, qui querit invenit & pulsanti aperietur..*

Meditationes de Paupertate.

C A P. XII.

AD ferenda Paupertatis incommoda ijsdem moveri possumus, quibus ad patientiam. Adjuyant tamen ista.

1. Quia Paupertas est humilitatis custos, quis enim vilibus superbit in pannis?
2. Avocat affectum à cura terrenorum quibus oportet inhiare eos, qui volunt lautè vivere.
3. Est pabulum Divinæ consolationis, delicata enīm est, nec datur admittentibus consolationem alienām.
4. Sustentat libertatem spiritus in ministerijs nostris, ut proximis dicere possi-

possimus. Non quærimus vestra, sed vos.
spes enim obtinendi quicquam ab alijs,
Prælatis præsertim, & Principibus, est
linguæ vinculum, ne veritas odium
pariat.

5. Exercet fidem in DEUM, cuius
datura speratur providentiâ semen semi-
nanti, & panem ad manducandum pauperi-
bus suis. *Tibi enim derelictus est pauper,*
orphano tu eris adjutor.

6. Expedit etiam si quos ad conser-
vandum suæ vocationis spiritum amor,
& timor Dei non extimulat, extimulet
paupertas eleemosynis sustentanda divi-
tum, quos nisi aedificet nomen bonum,
& observantiae rigor: Paupertatem pro-
fitentes non habituri sunt unde vivant.

7. Quia paupertas simillima est imi-
tatio Christi, qui paupertatis prætium &
splendorem conservare voluit, vitæ
mendicitate, crucis ignominiâ, & nuditi-
tate, in eo loco in quo vidimus DEum
mendicantem. Qui vult esse pauper non
alium

alium quām JESUM sequi debet , ege-
nus egenum , mendicus mendicum , &
si quid commodi necessitas exigit inge-
miscendum non inhiandum est , & ob
oculos semper habendum . Curam carnis
ne feceritis in desideriis à quibus pauci sci-
unt se temperare & cum damno sanita-
tis , cui cùm quotidiana pharmaca vix
medentur parsimonia inederetur . At
velle spiritualem esse & suis commodi-
tibus non carere , non magis cohærent ,
quām lutum & ferrū in statua Nabuchodo-
nodosor . Et ad veras , solidasque virtu-
tes aspirare , nec incommodi quidquam
velte pati , est aquam cribro haurire . Sa-
pientia enim est lilyum inter spinas , nec
habitat in terra molliter viventiū . Verè
humilis considerat , se potius esse indi-
gnum pane quo vescitur , & erubescit si
statum Paupertatis profiteatur vivere
commodius plerisque divitibus ; familiā ,
& ære alieno oppressis : gratiasque agit
Deo , de cuius manibus agnoscit eleemo-
synas

Synas piorum hominum pro cuius amore optandum esset ut iterum antiquæ Christianorum mortificationes resumerentur. Quia mirificè humilitatis alunt spiritum ac fervorem contemptus sui.

D e C a s t i t a c .

C A P . X I V .

E Nitendo (inquit P. Ignatius) Angelicam puritatem imitari, & mentis, & corporis nostri munditiâ. Castitas debet servari. Quis altior gradus cogitari potuit ?

Primo.

Angelis est propria castitas per naturam quia carent corporibus, eandem decet per gratiam ita splendescere, in castitate professis ac si incorporales esset, idque ob varias occasiones quibus patet vita nostra, cū præsertim Christiani statûs labores non possent ab eo sustineri, quem hæc voluptas enervat. Requirit enim vita Christi imitatrix quasi Angelos po-

D tent es

tentes virtute ad audiendam vocem fermonum Dei per Superiores.

Secundus.

Angelos oportet impollutos esse qui Cives sunt civitatis, in quam nihil coquinatum intrabit. Neque ille Civis Sanctorum ac domesticus Dei esse potest, qui impure vivit.

Tertio.

Quoniam *incorruptio proximum facit esse Deo*: in ea decet Angelos excellere qui vident faciem Dei, & nocte & die claimant SANCTUS SANCTUS SANCTUS &c. Imitatores Christi & vivunt in domo Dei, quæ est Ecclesia, & ea quæ Dei sunt attingunt perpetuò in sacrificijs, in Sacramentis, in verbo Dei, & alijs Ecclesiæ precibus. Nihil verò est sanctitati contrarium magis, quam foeditas carnis.

Quarto.

Nec tuto committeretur Angelis hominum custodia, nisi essent mundo corde. Neque illi qui curam aliorum præcipue

puè habent: essent idonei ad animarum zelum si quid maculæ ponerent in decore suo. Quomodo enim proximi se nostris crederent? Propterea Dei filius eum vellet inter homines agere, ut illis exempla, & monita daret salutis; non solum in se, in Matre, & in Discipulo cui Matrem commedavit, voluit virginitatis decus illibatum; sed in hoc genere ne suspectus quidem esse voluit, cum aliorum criminum sustinuerit calumniam.

Quintō.

Angelos autem in eo superare possumus, si in Babilonis fornace positi non ardemus, quia in carne vivimus præter carnem, flantibus præsertim tentacionem ventis: qui nullum terrere debent, cum nihil derogent sanctitati, sed eam purifcent, ut cinere, sapone, nitro, vase terguntur.

Pro Tentationibus istis præstò sunt
hæc remedia.

Primò.

Considerare quanta fardium colluvies sub modicæ cutis fuco delitescat. Quanta contra sit puritas Angeli custodis, lucis è cælo demissæ & Dei in cuius agimus præsentia. Ita ut humanæ carnis sive vivæ sive mortuæ foeditas, perpetuam nauseam atque horrorem, & candor lucis æternæ intimæ puritatis amorem ingeneret.

Secundo.

Fugere occasiones per sensuum custodiā. Quia Mors intrat per fenestras.

Tertio.

Subtrahere materiam flamarum, hoc est nimiam corporis curam, in commodis, sunt enim illa oleum Clibani.

Quarto.

Occupatum semper esse, quia otium malorum sentina est.

Quinto.

A perire sua vulnera spiritualibus Partibus, hæc enim humiliatio confundit

Demo-

SANCTITATIS.

41

Demonem. Præterea alicujus se com-
mendare precibus.

Sexto.

Humiliter de se sentire, magnificè de
alijs, frequenter enim Deus talem ten-
tationem aut lapsum in arrogantiæ no-
stræ confusionem permittit.

Septimo.

Cum irruerit tentatio nihil moran-
dum est, sed cum parvus est adhuc hostis
clidatur, aut etiā clametur ad Deum. A-
gnosco Domine foeditatem meam, quid
enim aliud expectari debet è sterquilini-
o. Domine vim patior. Convertere et-
iam ad Angelum tuum custodem, ad ali-
quem Sanctorum, præsertim ad Virgi-
nem cui nostræ castitatis custodia com-
mendari debet.

Octavo.

Si crescit adhuc tentatio, dolor tibi
excitandus est tunsonibus, pugnis, ali-
quando progreendiendum ad disciplinam,

D 3 quando-

quandoquidem non liceat nives seu vespes Sanctorum ingredi.

De Obedientia.

C A P. XIV.

Superfluum est aliquid de obedientia scribere. Examinis enim constitutionum atque SS. Patrum, ubi de hac tractant lectio sufficit; crebro & relecta attentè S.P. Ignati Epistola de obedientia. Ut tamen ab incæpto more non desistamus, non abs re erit paucas meditationes de ipsa proponere obedientia, quam cœcam appellant, in hac enim apex hujus virtutis consistit.

Primò.

Sciendum obedientiam cœcam non dici, quod in omnibus etiā peccatis obediendum sit, in ijs enim tantùm pendulum in quibus non appareat esse peccatum; sed nec ita cœcam oportet esse, ut non liceat mihi quas video difficultates Superiori proponere: id enim tantùm abest

SANCTITATIS.

43

abest ut fieri prohibeatur, quin potius contrarium faciens minus prudenter ageret, sed ut hoc facto Superioris postea acquiescam arbitrio, id requiritur.

Est itaque obedientia cœca in eo, ne scilicet curiosè examinetur, cur hoc, aut illud jubeatur, nec respiciatur ad præcepti difficultates, nec ad jubentis qualitates, non enim homini, sed in homine Deo obeditur, qui & sapienter examinat, quæ nobis imperari permittit, & in arduiis sublevat obedientem, & tandem dignus est cui obediatur, et si indignus ejus minister sit.

Secundò.

Hoc Obedientiæ genus novum non est, sed consentaneū tum Regulis omnium fere Ordinū, aut Monachorum Ægypti. SS. Benedicti, Hyeronimi, Bernardi, Francisci & aliorum: tum miraculis quibusdam in vita SS. Patrum recensitis, quibus illam Deus illustrasse scribitur, tum Scripturis Sacris, in quibus etiā ha-

D 4

betur

betur obediendum esse Prælatis sicut
Deo. *Qui vos audit me audit.* Constat &
Deum ipsum exegisse ut sibi simpliciter
obediretur, ut apparet in Abraham &
alijs.

Tertio.

Qui non est cœcus obediens, sed cu-
riosus eorum quæ jubentur examinator
& Judex; magno se exponit periculo, ne
fiat sui Judicis Judex, aut non damnet te-
merè quod non intelligit cœco sui amore
deceptus, ac ne prudentia carnis retar-
det promptitudinem voluntatis & ope-
ris, aut ne tanquam intractabilis derelin-
quatur sibi, forasvè mittatur?

Quartæ.

Hoc verò concernit eum qui vovit
Obedientiam, ut attēdat, ne dum Sapiēs
sibi maxime videtur: tunc potissimū fiat
insipiens. Non enim ignorat, se jam
non amplius esse in illo statu, in quo se,
sua regere possit sapientia, etiam si ali-
quando non male possit: ad alie-
nam

SANCTITATIS

nam enim se regulam obligavit, à qua si
suum discrepat iudicium, sibi obliquum
est, quamvis alioquin possit esse rectum.

Quinto.

Cœcus obediens Deo integrum offert
holocaustum ex voluntate & intellectu,
per quod duplicat meriti materiam, nec
obedit Superiori quia sibi placet, sed quia
placet Deo. Nam si, quia sibi placet quam
mercedem haberet? Is est qui vere cœ-
cus est sibi, & totus Deo vivit, quia se to-
tum Divinæ providentiae voluntatique
commisit. Et quamvis quæ jubentur à
melioribus impedire possint, compensa-
tur tamen merito, non modo obedientiae
sed omnium virtutum; nempe fidei, quia
Divinæ se credit providentiae: humilita-
tis, quia pluris æstimat alienum quam
suum iudicium; fortitudinis quia arduum
est abnegare se ipsum, & sic de alijs.

Sexto.

Quæcunque difficultia, vilia, ignomi-
niola jubentur, alacriter subeunda sunt
exem-

exemplo C^Hristi, cujus obedientia fuit
ineffabilis. J^{ES}US est humiliter nasci, na-
tus in Instabulo. J^{ES}US est, vitam paupe-
rem agere, mendicavit. J^{ES}US est utilia
docere om̄isis subtilitatibus disputatio-
num, totus fuit in parabolis, rebusque
simplicibus. J^{ES}US est præbere se pa-
tientiæ exemplar, sicut ovis aut agnus
obmutuit. J^{ES}US est filius mori pro re-
dimendo mancipio: Per quot Paſſionis
tristitias, tædia tribunalia, alapas, irriſio-
nes, flagella, spinas, ignominias mortuus
est in patibulo? Cur ergo homunculus
audeo me, cū quid difficile & abjectum
præcipitur excusare? Duo sunt mihi Pa-
tres: Unus obedientia, alter inobedientia:
quanta ex isto mala, tanta ex illo bona:
videam tandem utrius vellem esse filius.

Septime.

Quæ consolatio, & pax major quam
obedientis? scit se Deo servire non sibi,
non ipse sui redditurus rationē sed Præ-
latus, si occurrant difficultates tutus ac-
fidens.

S A N C T I T A T I S

47

fidens occurrit ad eum qui in Superiore
jubet, neque deserit: & quia libenter ipse
sub jacet suo Superiori, efficit etiam Deus
ut ejus membra, & caro, & concupis-
cia Spiritui subjaceant.

Contra verò quanta est desolatio, &
inquietudo inobedientis? scit deviare se
ab eo quod Deus à se exigit: In difficult-
atibus restuat. Nam qua fronte juvari,
aut audiri vult ab eō, quem ipse non au-
dit? Torquetur intus, quia non probat
quæ jubentur, & tamen ea facere cogitur
invitus. Judicat, murmurat, scandaliza-
tur, in gehenna vivit, & ad eam trahit
alios, obturbat Superiores, nescientes
quomodo illi satisfaciant, & saepè mur-
murationum, aut quæclarum in ætu
coguntur mutare, aut dissimulare quæ
non oportet, ita ut regimen confundatur.
Quot in uno crimen sunt crimina?
lapis unus cui male convenit cum alijs,
totam dominum inclinat ad casum.

De

De discreta Charitate erga Deum.

CAPUT XV.

Discreta charitas erga DEum duos distinguit actus charitatis , unum præcipuum,& proprium veræ charitatis, qui est suam voluntatem cum Divina voluntate,præceptisq; conformare juxta illa. ut cognoscat mundus quia diligo Patrem sic facio.

Plenitudo legis est dilectio.

Si quis diligit me, sermonem meum servavit.

Amicorum tandem est idem velle, & idem nolle. Perfecta autem charitas diligit Deum ex toto corde , non modo nihil habendo in suo corde contrarium divinis præceptis, sed neque consilijs, inspirationibus, permissionibus: quoniam propter amorem divinæ bonitatis, se velut jumentum tradit Divinæ voluntati, ab ea movendum ad omnia, quæ ad ejus gloriam & obsequium pertinent, quæcumque sibi accidunt agnoscendo esse de manu

SANCTITATIS.

49

manu Dei, & quia sunt à Deo eis immobiliter acquiescit, quantumvis repugnante naturâ.

Ad istum gradū nos invitat S.P. Ignatius cùm in omnibus semper clamat respiciendam majorem Dei gloriam, & tanquam corpus mortuum esse nos debere, ut à Divina providentia quocunque velit moveatur, & eò intentionem dirigendam esse, ut in omnibus Deo placeamus, propter ejus bonitatem, charitatem, & beneficia potissimum, potius quam propter poenas, aut præmia; quibus verbis significat, posse quidem & debere nos quando expedite ad juvari consideratione poenarum aut præmiorum. Nam hoc etiam Sancti Spectasse leguntur in scripturis, sed multò perfectius esse, velle placere Deo in omnibus propter ejus bonitatem, omni poenarum seu præmiorū curā relicta. Uterq; sanè modus charitatis est vel placere velle Deo propter ipsum solum, vel propter ipsum principiter;

E

paliter;

paliter; secundariò propter retributio-
nem, quamvis prior modus sit perfe-
ctior, quem ut exponit Chrysost. exer-
cuit Apostolus cum dixit. Optabam an-
tēna esse pro fratribus meis.

Ad hanc perfectam charitatem, quæ
totum hominem divinæ gloriæ &
voluntati consecrat propter ipsum, studio-
sis virtutum enitendum est, & juvari po-
terunt his meditationibus.

Primo.

Cum Deus sit totum esse, & omnis
substantiæ plenitudo, creatura autem sit
quædam participatio, & scintilla Divinæ
perfectionis, non minus jure naturæ
esse tenetur creatura tota Dei, quam pars
quælibet sit tota sui totius, ut naturaliter
se offerat ad sui abscissionem pro bono
totius. Tanto id verius, quod creatura Deo
collata non modo sit velut portiuncula
quædam, sed vilissima, viiior pedibus,
unguis, capillis, sputis, sudoribus. Huc
accedit quod naturæ ordine res imper-
fectiores

SANCTITATIS:

fectiores fuit gratiâ perfectiorum : ut
elementa propter plantas, plantæ prop-
ter animalia, hæc propter hominem.
Quot modis in usum nostrum nos lace-
ramus, & discerpimus plantas & anima-
lia ? Quis justè quæri posset, si Deus ita
nobiscum agere statuisset ?

Secundo.

In gratitudo in benefactorem , quâ
nihil odiosius, evitari non potest secun-
dum Philosophos morales , nisi illi plus
reddatur, quam acceptum sit. Plus in-
quam, quia quod ille dedit , prius dedit:
quæ præventio compensari non potest,
nisi cum fœnore reddatur acceptum.
Si homo se totum impenderet in hono-
rem Dei, tantum acceptum redderet ad
æqualitatem: & quantum sibi reservat,
nec in Deum solum, aut præcipue refert,
tantum subtrahit de debito : præter
quam quod etiamsi reddat se totum, quid
redit pro præventione? Quid pro do-
nantis maiestate ? quæ quo altior, mi-

nima dona etiam magna sunt præsertim collata tam contemptibilibus personis. Quid pro æterno, & infinito amoris affectu quo donatur? qui affectus quod vehementior, eò magis amplificat doni dignitatem. Quid tandem, quod non modo homini hominem donavit, sed & omnia sub jecit sub pedibus ejus? nihil est in cælo, & in terra, quod non aliquo modo propter nos sit. & cæli immensitas, & Angelorum multitudo: quia si non aliunde; hinc assurgimus ad notitiam & magnitudinis Dei admiracionem, & inde etiam sumus habituri confortium in cœlo fœlicius. Addo & particularia singulorum beneficia propter quæ multis rationibus Deo totidebemur.

Tertio:

Ut mercenarij à Deo in vineam conduciuntur ob necessitatem non conductentis, sed mercenariorum ita inopum, ut aliundè non habeant unde vivant: & sunt mercenarij qui alendi sunt magno sumptu,

sumptu, nempe ministerio omnium creaturatum ut plus oneri sint, quam commodo, quia satis superque haberent si sibi de necessitatibus provideretur: de reliquo aliud nihil cogitari deberet, quam laborare pro conductore, & modo quem ipse perscribit. Quanto id justius est, cum qui conductus ille mercede in promittat, & ita amplam, qua nulla major cogitari potest ego (inquit) ero mortes tua magna nimis?

Quarto.

Non modo mercenarij sumus, sed mera Dei mancipia jure creationis; quicquid enim artifex facit, aut agricola plantat, suum est jure naturæ, & de eo potest disponere quicquid velit. Non minus ergo pleno jure dominij, de nostris corporibus, animis, judicijs, voluntatibus disponere potest, quam de nostris gregibus, oleribus &c. Et posset nobis nihil velle retribuere, nisi quia ex misericordia legem instituit, ut quæcunque nos

ex ejus gratia facimus propter ipsum,
justa merita sint æternæ vitæ.

Quinto.

Neque modo servi sumus, sed etiam
instrumenta ad nullum opus habilia, nisi
à brachio Dei moveamur. An securis, an
calamus quicquam sui gratiâ faciunt?
quicquid sunt propter artificem sunt
ut S. Th. docet.

Sexto.

Sumus adhuc Dei rebelles ex culpa.
At rebelles à Rège si capiantur, est in
potestate Regis eos damnare, vel ad
mortem, vel ad quascunque velit hujus
vitæ pœnas. Quanto nequior in Deum
nostrum rebellio? & quoties iterata post
reconciliationem? quoties æternitas
pœnæ in temporariâ commutata? Quan-
tus est humuncio etiam si totus, & totus
impendatur, & super- impendatur Deo
pro tot rebellionibus, & reconciliatio-
nibus? imò ne pro una quidem, quando
juxta aliquos Doctores, tantum mali
pecca-

peccatum est, quantum boni Deus est,
& sicut omnia bona creata à Divino bone
infinitè deficiunt, ita omnia pœnarunt
mala, quæ cogitari possunt, minora sun-
malo culpæ.

Septimo.

Nec solùm reconciliavit sibi nos Deus
misericorditer, sed etiam salvo rigore
justitiæ per sanguinem filij sui. At, quan-
do dedit nobis filium Redemptorem?
quando omnes digni erant gehennâ.
Deditne rogantibus? imo & idola ado-
rantibus, & paucis verum Deum scienti-
bus. Dedit ne libentur accepturis quod
dabatur? imò egrè ferentibus donum
istud, quare Jndæi dixerunt. *Hic est hæres,*
venite occidamus eum. Gentium autem
Principes & exercitus hoc nomen ut si-
gnum cui contradiceret in orbem terra-
rum introducere voluerunt. Dedit ne
futuris gratis? ingratissimis. Nam mul-
ti nec recepere, multi retrorsum abie-
runt, ut Apostatae & hæretici. Ex ijs qui

permanent in fide, plerique omnes illum
iterum atque iterum malefactis cruci-
figunt. O ineffabilem vim charitatis.
verè aquæ multæ eam extinguere non potue-
runt, verè ait Apostolus: Propter nimiam
charitatem suam &c. at, quid, pro quo,
datum? Unigenitus, innocens, pro turpi
mancipio. Hoc est plus, quam si quic-
quid speciosè splendet in toto cælo da-
retur pro modico luto; quantus sumptus
pro tantillo lucro? at quot modis datur?
In socium, in amicum, in Redemptorem,
in sacrificium, in pretium, in cibum &
potum, in Doctorem, in Pastorem, in Pa-
trem, in Sponsum, in cohæredem, &
fratrem. Et quæ alia dona cum hoc do-
no? Balnea sacramentorum in ablutionem
peccatoris & menstruatae, oracula Prophe-
tarum tanquam lucerne in tenebris sæculi;
gemmae gratiarum & virtutum; adini-
cula tot spiritualium auxiliorum in
singulas horas. Trophea Sanctorū Mar-
tyrum: vigiliæ tot Patrum Ecclesiæ:
exem-

exempla, & patrocinia tot Sanctorum: tot status perfectæ vitæ, tot spiritus consolationes velut æternæ vitæ stillicidia. O quis tam impudens, & ferreus, non videat obrui se tot inundationibus beneficiorum! O quot, & quantis titulis se quisque totum debet Deo, ut merito dicat. *Diliges Dominum Deum tuum ex soto corde tuo, ex tota omnia tua, ex omnibus viribus tuis.* Si saepius, & saepius possem esse totus; & si ego solus possem esse cælum, terra, Angelus, sive omnes Angeli, & omnes homines, & hoc modo totum me traderem in minutissimas partes pro Deo, nondum toti satisfacere charitati. Quare in hoc parvo corde, quod habeo, nihil debet habere locum, nisi Deus, & reliqua propter Delum, & in Deo: & me ipsum amare deberem, non propter me, sed quia sum res Dei. Et si quid mihi volo, non alia de causa id velle deberem, nisi quia per hoc aptior sum pro Dei gloria, & servitio promovendo,

vendo, & implenda Dei voluntate in omnibus, & per omnia, ut jam non vivam ego, sed vivat in me Christus.

De altero caritatis actu, & affectu.

C A P. X-VI.

Alter charitatis actus, vel affectus, est quidam amor tener, & dulcis affectus in Deum fervidus & consolatorius, suavissimus, qui ex Spiritu redundat in sensum. Hic affectus non est inseparabilis à charitate, nam aliud etiam posset profici sci, neque hinc meritum, & sanctitas estimanda est, nam in peccatoribus aliquando reperitur, imo & imperfectis frequenter datur, & copiosius, ut adhuc lactantibus in via Dei.

Verum quoniam cor humanum manere non potest omnis consolationis expers, ut à fallacibus & immundis hujus saeculi bonis animus avocetur in Deum, & in invisibilia bona futuri saeculi erigatur: valde utile est hunc affectum etiam.

SANCTITATIS.

59

etiam in nobis. Quantum in nobis est,
excitare: Excitatur autē his Meditatio-
nibus. *Primo.*

Quoniam naturaliter rapimur in a-
morem lucis, & pulchritudinis: quicquid
in corporibus, aut spiritibus sive secun-
dūm naturam, sive secundūm gratiam
pulchrum est, in Deo relucet infinite
pulchrius; ut ejus pulchritudo, quemvis
intellectualem spiritū in exstasim rapiat,
satiet, ac beatificet in aspectu suo. *Regem*
videbunt in decore suo;

Secundo.

Placet naturaliter, & amatur Vitæ
innocentia, candor niveus, decor inno-
centiæ, sanctitatis odor, justitiæ recti-
tudo, adde etiam sagacitas in agendo,
unde secundūm Platōnem. *Si virtus*
videretur, ingentes sui amores excitaret, atq;
hæ quidem feces, & scoriæ sunt: aurum
purissimum in Deo tantum est.

Tertio.

Quoniam admiramus & amamus na-
tura-

DE ARTE

turaliter Regem aliquem opibus potenter, invictum in armis, aggredientem ardua, multis imperitatem populis, jubentem quæ velit. Quid hæc umbra imperij, & potentiarum; si comparetur cum Dei brachio? quibus non imperat, que in tremunt cœli columnæ? cujus est opulentia, qui est infinitus bonorum thesaurus? quæ ardua non agit, in miraculis, in sacramentis, in naturæ operibus? ipse dixit, & facta sunt: ipse mandavit, & creata sunt. Virtus bellica, & ejus trophyæ quid aliud sunt, quam divinæ fortitudinis scintillæ quædam? unde Dominus dicitur Exercituum, & Angeli sunt Castra Dei.

Quarto.

Quam naturaliter amabilis est sapientia & veritas? Arcana quæ latent alios penetrare, quam admirabile? consilia, & responsa prudentum quam grata sunt in dubijs? Quid hæc faculae ad claritatem solis æterni? in eo latent arcana prouidentiae tuæ quæ hic nescimus, & obstupescimus.

SANCTITATIS

64

pescimus. In eo numerus prædestinato-
rum & rationes eorum: Judicium nun-
quam fallax; speculum in quo se ipsum,
& omnia contuetur: fons Sapientiæ:
schola Prophetarum, liber vitæ.

Quinto.

Amamus naturaliter & eos, qui facile
amant, & se largè, suaque communi-
cant, & misericordiæ viscera in egenos
extendunt, & clementer ignoscunt ijs
de quibus ulcisci possent, & sollicite pro-
vident ne quid suis deficiat. At quis aman-
tior Deo? qui totus charitas est, nec quic-
quam nisi ex amore facit. Quis sui com-
municantior? ex bonitate ejus procedunt
fluvij creaturarum. quis misericordior
Deo, qui omnipotentiam suam parcendo ma-
xime manifestat? Inimicos non privat
suis bonis, allicit ad pacem, redeuntes in-
duit stolâ, & vestimento salutis, omnium
oblitus injuriarum: & meretricem pu-
blicam iterum, atque iterum suo digna-
tur thalamo? quis prudentior eo, qui

F

ut

ut sedulus Pater, & Mater singulis rebus
juxta suas providet naturas, ut destinato
fine potiantur?

Sexto.

Quot pluviae beneficiorum ex alto?
Inde alimur, induimur, custodiâ Ange-
lorum docemur, eruiimur à periculis,
sustinemur in fide, inde lux, imbris, se-
renitas, fæcunditas terræ, mare navi-
gabile, ministeria animalium, florum
odores, fructuum suavitas? O durum cor
hominis, tot quotidianis misericordijs,
tanquam follibus, & flammis non incen-
ditur! Cur Deum in omnibus præsentem
non videmus? coelum, & terram ego im-
pleo. Ex ipso, & per ipsum, et in ipso sunt
omnia. non enim creavit tantum, sed
præsens est, suo spiritu sinuque conser-
vat. Intuere Deum immensum in vasto
cæli ambitu, fæcundum in terra, suaviter
olentem in aromatibus, dulcem in lacte,
& melle, speciosum in stellis, & floribus,
& sic de alijs.

Oculi

Oculi mei semper ad Dominum, quoniam ipse
evellet de laqueo pedes meos, alioquin irre-
tinentur bonorum visibilium visco.

Septimo.

Quæ amentia? Deus intra me est, &
ego totus in Deo, ut gutta in mari, &
ipsum non cogito? si moveor, me mo-
vet; si induor, me induit; si vescor, me
pascit; si loquor, intelligo; docet, disco.
Hæc mecum omnia operatur intra me,
& in me: & adhuc cor meum longe est
ab eo! Deus ignis est, & ego tam miser,
ut in igne frigeam. Deus cordis mei, nam
& cor ipse plasmavit mihi.

Deus amor meus, nam quicquid amo
amabile non est, nisi quia est aliquid Dei,
& à Deo, & in Deo. Deus lux mea. nam
quicquid video, Dei quoddam crepus-
culum est.

Deus anima mea; nam anima mea
imago Dei est, quam suis manibus, ille
depinxit.

Tandem nulla satietas, & quies nisi
in Deo. Nec lapis extra centrum, nec
fluvij extra mare quiescunt: cor nostrum
sagitta est Dei manu emissâ versus non
alium scopum, quam Deum. Fecisti nos
Domine ad te, & inquietum est cor nostrum
donec requiescat in te. Saltæ sunt hujus
mundi aquæ, non tam extinguiunt, quam
excitant litim. Creatum quidvis bo-
num, si est calceus pedis, non est pileus
capitis: si potus ad sitim, non cibus
esfuriensi: si vestis, non arma.; solus
Deus, est officina omnibus necessarijs, &
concupiscibilibus affluens. Quemadmo-
dum desiderat cervus ad fontes aquarum, ita
desiderat anima mea ad te Deus.

Tu æternitas, in manibus tuis sunt
tempora mea.

Tu stabilitas mutabilitatis meæ.

Tu satietas inopie meæ.

Tu gaudium gaudentium, & amor
amantium, & dulcium dulcedo.

Tu

Tu indumentum nuditatis meæ , ho-
nor ignominiæ , spes & quies laborum.

Tu pulchritudo super omnem pul-
chritudinem, pax superans omnem sen-
sum ? ebrietas spiritus super omnem
ebrietatem , justitia super justitiam, po-
tentia super potentiam, dilectio super di-
lectionem, gaudium super omne gaudi-
um, immensa plenitudo, quam nec ocul-
lus vidit, nec auris audivit ; nec in cor
hominis ascendit.

De discreta charitate erga proximum.

C A P U T . X V I I .

D E discreta charitate, & mutua inter
nos unione agendum nunc est: ad
eam vero excitant hæ duæ meditationes.

Primo.

Unius naturæ confortes sumus omnes,
& omne animal diligit sibi simile. Nasci-
mur inerme animal, quia ad concordiam,
& pacem nascimur, cœteris animantibus

innascuntur arma: Ita inutis egemus auxilijs, ut seorsim vivere non possumus, idque ad arctius amoris vinculum.

Secundo:

Dum proximum diligo, aut odi, DEI imaginem, DEI manibus elaboratam diligo, aut odi, & imaginem quidem, quam DEUS sui Dominij insignitam charactere, jussit piscibus, bestijs, volatilibus praesidere, ut Dei Pro-regem in Universo: tanti Deus hominem facit, ut omnia per ipsum regat, & pedibus ejus subjiciat. Ego tam parvi aestimo, & nec modico quidem obsequio, aut verbo, aut amore dignandum puto?

Tertio.

Proximi mei oves sunt, redemptæ fanguine Dei mei, si non fuisset præiosa merx, fieret tanto præcio præiosior, pluris certe valet quam cælum, & terra. Rachel pulcherrima in partu crucis mortua est, ut pareret hunc Benjamin, quem nutrit uberibus sacramenti sui de angelorum

lorum pane, factus lac parvolorum. Filii sumus ejusdem Patris Christi , ejusdem Matris Ecclesiæ, sicut novellæ olivarum in ejusdem mensæ mysticæ circuitu, sub eadem fidei disciplina, in ijsdem viridiarijs scripturarum, ex eodem fonte regenerati, sumus tandem invicem membra unius corporis. Quam fedulo omnia membra uni languenti succurrunt ? quantum unum sentit alterius incommodum? Quantum omnium alterius bono lætantur ? nam quæ bona sunt in proximis, Dei bona sunt & omnibus communia, & dummodo Deus benedicatur ; nihil refert, splendere ne velit in me , an in alio. Quicquid ubique splendet, Deus & sol est. Contrà, quæcunque sunt mala in proximis à peccato, & hoste communi Diabolo descendunt: quare omnium interest mala illa depellere , perinde ac commune domus incendium.

Quarto.

Una spes vocationis nostræ. Quos
F 4 nunc

nunc aspis in cæno, videbis aliquando
Hæredes Dei, & cohæredes Christi vi-
debis fulgentes sicut solem in regno
Patris sui, Cives Sanctorum, & domesti-
cos Dei. Videbis tot altaria thymiamatis
tot reges gloriæ, tot organa divinæ lau-
dis, quos tu forte non videbis si tu inter
hædos, ille inter agnos steterit à dextris
Judicis. Quām multinaufragantur pro-
pe portum, alij post varias procellas e-
vadunt?

Quinto.

Præter hæc communia Fraternæ cha-
ritatis pignora, duo adhuc Religiosorum
maxime propria.

Unum est inter illos ipsos, quod ex
magna Charitate DEI sub unum vocati
cubiculum, arctius conjugium, eodem
perfectionis statu, ijsdem constitutioni-
bus, & votis, ejusdem instituti, sub ijs-
dem persecutionibus, ut quò nostra ma-
jor fuerit unitas, eò fortius muniamur
in prælio. Eadem sacramentorum fre-
quentia,

SANCTIFATIS.

69

quentia, sub eodem Fundatore & nomine
quamvis ex diversis nationibus, quarum
varietas quò magis erit labij unius, eò
gloriosius erit habitare Fratres in unum.

Si concorditer seramus, colamus, me-
tamus, nec ulla tempestas oberit, robo-
rabit potius conjunctos per antiperi-
stasmus.

At si quod unus seminat, alter evellat,
nostra messis nec alijs, nec nobis erit
alimento. Quare quicquid in docendo,
in opinando, in rogando, in vivendo,
in orando in concionando, in conver-
fando afferre potest aliquid diversitatis
divisionis, & differentiæ, tanquam id,
quò nil pestilentius, execrandum est.

Alterum erga externos, hoc est ani-
marum zelus, huc enim spectant plurima
Religiosorum ministeria. O nobilem
mercaturam, pro qua Moyses. *Aut
dimitte (inquit) aut dele me de libro vite.
& Apostolus. optabam anathema esse pro fra-
tribus meis. Quis infirmatur, & ego non in-
firmor*

firmor? & ipse met Dei filius propter nimiam
charitatē suam quā dilexit nos, tradidit semet-
ipsum pro nobis Deo nihil prodesse possu-
mus, ijs possumus quos Deus comen-
davit pro se. *Diligis me plus his?* *Pasce oves*
meas. Quot oves quotidie rapiuntur à
lupis? pudeat non mori potius, quam hæc
videre. Ad ultimas usque terras pro-
fecti sunt Patres nostri advenandas ani-
mas, nos eas perire patimur ante oculos
nostros. Quæ vocatio nostra?

**Cur & quare Discreta charitas
appelletur.**

C A P . X V I I .

Discreta charitas erga Deum duo
potissimum exigit.

Unum, ne charitatis umbram, qui est
affectus ille dulcis, ac tener, pro vera
charitate complectamus. Neque enim
quia faccarum medicinis, ne pessime fa-
piant admiscetur, idcirco ejus faccari
copiâ,

copiâ, seu parcitate vis & efficacia me-
dicinæ metienda est. Charitas enim pro-
priè expoliat hominem amore sui, ut ni-
hil quærat, ac cogitet, quam Dei gloriam
& voluntatem, & quæcunque sibi, unde-
cunque, intus & foris eveniant de DEI
manu suscipiat, & ad Dei gloriam ordi-
net, curando ut in omnibus rebus &
personis Deus honorificetur. Nec quæ-
rendo quæ sua sunt, sed quærendo quæ
sit voluntas DEI sancta, & beneplacens.

Alterum, quamvis aīnor DEI tantus
nunquā esse polsit, quin adhuc majori sit
dignus, tā exterioris cultūs opera, & quā
poenitentiæ revocanda sunt ad mensu-
ram discretionis: ne aut valetudini, aut
ædificationi noceant. Quare nihil tu-
tius, quam in his Superioris, aut Confes-
sari arbitrio stare: qui si pauciora, quam
velimus concedat, erit Deo gratius, cui
placet magis animus tractabilis, & qui
suam abdicat voluntatem, quam contu-
max, aut egre docilis.

Erga

72 DE ARTE

Erga proximum vero discreta Charitas docet: aliud esse proximum mihi placere, aliud me placere proximo, utrumq; sane bene & male fieri potest: nam quod ad proximum pertinet, placere mihi debet proximus in his quae habet a Deo, scilicet in natura & gratia: defectus nullo modo placeat. Sed si manifesti non sunt excusentur, quomodo pia mater tegit infantis sui deformitates. Quamvis idem facturus ego non essem, non tamen possum in alijs ea damnare, quia nescio causas, & omnes circumstantias. Si vero manifesti; non amplificantur, nec divulgantur: sed ex misericordi charitate turentur, monitis, ratione, & exemplo. Nec interim te praeferas illis, quoniam alijs tu gravioribus laboras. Cui festucam in oculo fratrii tui vides, non trabem in tuis? Non itaque placeant omnia quae sunt in proximo, sed quae sunt a Deo, & propter Deum. Sed neque propter te; nam si te quereras, hoc est tuum gustum, & sympa-

SANCTITATIS.

73

sympathiam , aut etiam delectationem
sensus. Recepisti mercedem tuam.

Quod vero spectat ad alterum: pla-
cere, & non placere debes proximo. Non
placere, ob complacentiam tuam. Pla-
cere, ob ejus fructū, & gloriam Dei. nam

1. Quæcunque facienda sunt publicè,
ita modestè, graviter, piè; benevolè, hila-
riter, verecundè, patienter, mansuetè;
præstanta sunt: ut ex se apta sint ædifi-
care proximum. *Sic luceat lux vestra &c.*
idque de communibus operibus, quæ
fiunt publicè. Nam peculiaria, & pro-
pria; tutiùs secretò fiunt, nisi adeo per-
fectus sis, ut furem non timeas.

2. Placere debes proximo in eo, quan-
tum tuus, patitur status: & intra tuum,
ita placens uni, ut non noceas multis;
semper commune bonum privato præ-
ferendum, & minori majus.

3. Placere debes proximo; sed secun-
dum libertatem Spiritus, quæ veritatem
utilem alijs loqui non vereatur. Alioquin

G erimus

erimus canes muti, non valentes latrare,
sed pruriētes auribus. Contentio tamen
cavenda, quod enim in Domino censue-
ris, postquā modestè, & efficaciter expo-
sueris: aut cede repugnantibus, si me-
liora afferant, aut tace pro-bono pacis.

Placere dēbes proximo: non tamen
serviliter dependere à cuiuslibet judicio
in laudibus, aut vituperationibus. Nam
parciūs de te cogitant quam putas, suis
vacant rebus, & molestijs: & si cogitant
crebrò, male de te opinantur, quibus
placere te credis, & si places identidem
mutantur? ex uno in aliud judicia, pro
varijs rerum eventis. Et si non muten-
tur, sēpe tamen fallax est eorum judici-
um. Quia *omnis gloria filiæ regis ab intus:*
quod alios latet. Et si verum esset judi-
cium eorum, sive te laudent, sive te vitu-
perent: non plus tamen tibi prodest, aut
nocet, quam flosculus ante oculos voli-
tabundus. Et si nocere posset, aut pro-
dēsse, magis tamen tibi nocet ea se; virtus;
quia

quia dependes à mutabili vento iudicij
alieni, cum præfertim nullus sit, qui vi-
tare posset linguis meledicentium.

Prima inquit S. Hieronymus est virtus:
Monachi, centeniere aliorum de se judicium.
& Apost. mihi autem pro minimo est ut à vobis
judicer, aut ab humano die. Est Deus qui ju-
dicat, & alia sunt Dei, alia hominum ju-
dicia; Propterea res tuas compone ju-
xta consilia majorum, de reliquo qualia
sint hominum judicia securus transi sive
per infamiam, sive per banam famam, & fer-
mo, & negatio tua sit cuin Deo. ille est
enim judex meus & conscientius meus. ait Job.

D e meditandi modo.

C A P . X I X .

Exposita meditandi materia, sequi-
tur forma, hoc est meditandi modus.

Anima igitur dum orat, duabus utitur
partibus. Intellectu, quo cogitat; volun-
tate, quā afficitur.

Intellectus, i. JUDICARE DEBET, atque

G 2 ea

ea discernere quæ meditanda sunt. Non enim incerto, ac fortuito casu, sed ex arte, & præmeditatè, certum aliquod meditandum, vel cogitandum: alioquin animus fluctuabit, & prius humanis, quam Divinis occupabitur.

2. Quæ meditaturus est mane, prælegat nocte præcedente, ut tanquam sedem quandam sibi præpareret in corde: & quamprimum evigilat manè, animus ad præparata recurrat, ne locum priùs occupent alia.

3. Orandi principio cogitet DEUM præsentem cum tota cœlesti curia, eumque pronus, ac supplex adoret, componat sibi deinde locum, in quo cogitare debet, esse quæ meditaturus est gesta.

4. Attentè, ac piè ruminet materiam meditationis, ita tamen ut meminerit intellectus suum esse querere prædam, & voluntati tradere degustandam: hoc enim opus affectu potius, quam notitia peragitur. Non ita intellectu vagandum est,

SANCTITATIS.

77

est, sed sicut in Vite amputanda sunt folia multa discursuum, ut planta fœcundius erumpat in fructum, hoc est in affectum.

5. Ubi plus afficitur animus, in eo diutiū moretur. Neque enim in decurso militarum rerum, sed in gustu, & affectu fructus est orationis.

6. Prodest meditari loquendo cum Deo, id enim & torpente excitat affectum, & excitatum incendit.

7. Ex qualibet meditatione & affectu, duos in primis decerpe fructus. Unum admirationis, & laudis in Deum: Alterum odij, depressionis, detestationis contemptus sui.

8. Postquam quantum satis est de aliqua virtute cogitaveris, descende ad eam suppliciter petendam à Domino: hoc est ad secundum instrumentum, nam huc usque plantasti, nisi incrementum det Deus, quid effecisti? Arasti terram, nisi Deus, solem, & pluviam de super immiteret, quæ sperandæ segetes? G 3 ret,

De II. INSTRUMENTO
hoc est de petitione,

CAP. XX.

ANte petitionem duæ stabiliantur ve-
luti protestationes. Una quidem,
quod non in justificationibz nostris pro-
sternimus preces nostras, sed in multitu-
dine misericordiarum Domini. Quare
hic aliquid de meditatione humilitatis af-
sumendum est: *Quoniam verè DE US*
superbis resistit, humilibus autem dat gra-
tiam. Altera, nolle me quicquam petere,
nisi quæ & quomodo placeat divinæ be-
nitati, idque ad majorem Dei gloriam,
& honorem ex animo. Itaque ex toto
corde clamandum. *Veruntamen non mea,*
sed tua fiat voluntas.

Post protestationes venietur ad Peti-
tionem, quæ multis formari potest mo-
dis, eumque quisque assumat, quem ex-
peritur sibi aptiorem, etiam variet iden-
tidem levandi tedij gratiâ.

PRIMUS

Primus modus.

Repræsenta Deo tuas necessitates, & præsertim hujus, vel illius virtutis indigentiam, ut ulcerosus mendicus ad januā divitis. Imperfectum meum viderunt oculi tui, Anima mea sicut terra sine aqua tibi, Domine ante te omne desiderium meum, vides me ex hoc laqueo evadere non posse. Ego palmas, in vita, ego servus vernaculus sum tuus, si subtraxeris manum tuam benedictus sis: quia etiam pejora promerui, si illuminaveris oculos tuos super me benedictus sis, quicquid dederis tuum est, & tuo impendetur obsequio Tuus sum tracta me juxta beneplacitum tuum.

Secundus.

Non solūm repræsenta necessitates, sed expresse auxilium pete in hac necessitate, vel circa hanc particularem.

Veni impone manum tuam, & vivam.

Emitte Spiritum tuum, & creabuntur.

Attende Domine & miserere.

Amove ame plagas tuas.

Emitte lucem tuam, & veritatem tuam.

Tertius.

Pete auxilium ad bēne petendum,
 Adjuva Domine incredulitatem meam,
 Quid & quomodo petam nescio.

Spiritus tuis postulet pro me, genitibus
 inenarrabilibus.

Similis sum pullis corvorum, qui nec ha-
 bent quo egent, nec sciunt exprimere quid ve-
 lint, tu tamen das escam invocantibus te, at-
 cunḡ sciunt.

Da mibi Domine sedium tuarum assistri-
 cem sapientiam, ut etiam in orando mecum
 sit, & meum laboret.

Quartus.

Utendum est s̄æpe obtestatione, &
 obsecratione eorū quæ chara sunt Deo.
 Respice in faciem Christi tui. Si foetent co-
 rā te foeditates meæ: est odor filij, sicut odor
 agri pleni cui benedixit Dominus. Obsecro
 per bonitatem tuam, quæ dat omnibus affluen-
 ter. Per misericordiam, quæ nec abyssum
 miseriарum dignatur. Per potentiam tuam,
 quæ imperat mari, & ventis, & fit tranquilli-
 tas

SANCTITATIS.

81

cas magna, Per ardentem charitatem tuam,
que nec proprio filio pepereit pro vili mancipio.

Quintus.

Per interrogationem fiduciæ plenam.

Ubi sunt misericordiæ tuæ antiquæ Domine?

Ubi Patres nostri, qui clamauerunt, ad te,
et salvi facti sunt?

Nunquid cum iratus fueris, non etiam mi-
sericordiarum recordaberis?

Nunquid oblivisci poterit mater infantis
uteri sui?

Ubi infallibilis fides promissorum tuorum:

Petite, et accipietis? tu tibi debes, mihi
nihil debes. Damnare me potes, negare te ipsum
non potes.

Sextus.

Configiendū ad patrociniū Sanctorū.
Succurrите Sancti Dei omnes, in portu estis,
adjuvate laborantes in navigando. Et vos per
ista transistis, tentati per omnia ut compati
possetis infirmitatibus nostris. Si charitas,
dum nobiscum essetis urgebat vos, ad tantam
fratrum nostrorum sollicitudinem, quanto nunc
magis,

magis, cum ad perfectum cumulum pervenierit? Atque hæc omnia urgentius inclinanda sunt ante pedes Matris Dei.

Proderit & per virgines petere puritatem; fortitudinem per Martyres; Charitatem per Apostolos: & sic de alijs.

Septimus.

Per longanime desiderium. Quando erit tempus Domine, quo ædificabis muros Hyerusalem? Quando evadam in alterum vi-
rū? Quando sanabis cōtritiones meas? Quando videbo bona Hyerusalem? Quando eor mundie creabis in me Domine? Longe quidem à salute mea verba delictorum meorum: sed prope est in januis misericordia tua.

In his omnibus illud advertendum est etiam atque etiam, ut hæc non exprimantur vehementi conatu, qui caput affligat, ac defatiget. Hoc enim negotium potius peragitur animi quadam pace, profundâ humilitate & plenâ fiducia, ad quā n exītandam habes superiores meditationes.

In de-

Indevotionis , ac distractionis
remedia.**C A P . X X I .**

ORatio quâ meditamur, aut petimus, quò nobis fructuosior est, eò magis Dœmonū infestationibus agitatur. quoniam & illic amittunt quæ acquisiverunt, & inde vident nos armari ad pugnam adversus eos, quare ut incautos & inermes invadere possent, omnibus artibus animum ab orationis intentione conantur avocare; ut propterea dixerit unus Patrum Sanctorum in Ægypto. In nullo opere vitae regularis pati se duiores pugnas ac difficultates , quam orando. Contra vero nos omnibus auxilijs juvari oportet, si bene orare cupimus, & quamvis ad id nitimur, vix tantam muscarum circumvolitantium multitudinem effugare poterimus. Quanto minus si oscitanter , & incaute ad tam arduum opus accedamus ? Remedia autem

autem præcipua ferè ista sunt.

Primo.

Præpara animam tuā ad opus Dei cum
primū surgis à somno, primū mentis
tuæ pabulum sit, Deo gratias agere de
nocturna custodia, & exclamare, *Annos*
eternos in mente habui: quando ero liber ab
bis vicibus somni, & Vigiliæ? Suspira tan-
quam perigrinus ad Patriam, ubi te cœli
cives expectant, versiculum aliquem,
quo piè soles affici repetendo: aut etiam
canendo, donec aliquantis per cor inca-
lescat. Calidum vero, continuo ad me-
ditationem quam proxima nocte præ-
parasti applica.

Secundo.

Commenda te Angelo Custodi, ut
assistat oranti, & Satanam vexantem re-
pellat, implora etiam alicujus Sancti Pa-
trociniū.

Tertio.

Cum adverteris evagationem, redi
patienter ad iter. Hæc patientia non
parvi

parvi meriti est apud Deum, & in redendo signate signo Crucis salutis nostræ, & aliquem tibi dolorem inflige velut pœnam, ac super omnia maxime cavetone ob attentionis, devotionisque defectum, ab oratione discedas. Hoc Satan cupiebat, & factus voti compos exultabit. In hac derelictionis internæ Cruce persistas, quæcunque cogitationes in cor tuum accedant, & clament, *Descende de Cruce.* Gratiūs hoc est Deo sustinentiæ & resignationis obsequium, quam in spirituali prosperitate lætitia.

Quarto.

Sæpe insipida cogitatio, pœna est præcedentis distractionis. Ut inutilia quærere, & admittere, quascunque visitationes, cœremonias, corporis commoditates, confabulationes, cogitationes, aliaque id genus: & tunc esse velle devoutum, est manifeste tentare Deum, non minus quam si mundum habere triticum cupias in horreo, quod pateat omni ven-

to; pulverem, lolium, lutum, lapillos
convehenti. Omnibus cogitationibus,
quas obedientiae charitatis atque vale-
tudinis necessitas non exigit, tanquam
bestijs segerem vastantibus oppone se-
pem, hoc est rigidam sensuum custodiam;
nam si velis satisfacere omnibus cœre-
monijs mundi, Carnis, & sanguinis: quæ
seminaveris, hæc & metes.

Quintū,

Proderit, etiam Sancta simplicitas,
quoniam cum simplicibus sermocinatio ejus,
& revelat parvulis quæ a sapientibus, &
prudentibus abscondit. Sunt qui pru-
dentiam adamant, eamque aulicam: toti
excogitandis ijs quæ illam augeant. Si
quid pium in familiaritate audiant: irri-
dent, & ad Novitios ablegant, Pruden-
tes in oculis suis, & subsannatores sim-
plicium. Nisi convertantur, & fiant
sicut parvuli, evanescent in cogitationi-
bus suis. Erunt sicut myricæ in deserto
non videntes cum venerit bonum. Mon-

SANCTITATIS.

87

*ges Gelboe necros, nec pluvia veniat super vos.
Et nisi Superiores in hac simplicitatis
virtute præeant exemplo: frustra jacient
rete ante oculos pennatorum, tunc sub-
diti fient oves, cum puer parvulus mina-
bit eos. Olim major erat devotio, quia
major simplicitas, apertis mox oculis,
refrixit,*

Sexto.

In occupationibus etiam ab obedientia impositis, non ita se tota mens effundat, ut Spiritus refrigerescat hoc enim est contra obedientiæ mentem.

Literarum itaque studia Spiritu mente-
furentur, non è conversò? Et si quæ in
doctrina perfectio haberi non potest nisi
Spiritu tepecente, ea contra Spiritus in-
stitutum est: & ex nostri amore descendit.
Quid mirum si sint tot qui speculationi-
bus mentem arefaciunt? quantum in li-
teris proficiunt, tantum in Spiritu defi-
ciunt? Nemo potest duobus Dominis servire.
Angustus est animæ lectus, non capit
duos, & nisi modus adhibeat. Scientia

H 2

qui-

quidem crescet, sed inflabit, & refri-
gescet Spiritus.

Septimo.

Jaculatorijs affectibus utendum est
interdum quanto crebrius potest; mate-
riam exhibebunt meditationes superio-
res de Gloria Paradisi &c.

Octavo.

Cum adhibitis quæ possumus reme-
dijs cor adhuc friget? prodest nō parum
legere pias meditationes attente, & si una-
non moveat, ad aliam transgredi, est
enim pia lectio, tanquam palus vitæ
aniinæ sustentans.

D E I I I , I N S R U M E N T O
hoc est exercere actus
virtutum.

C A P U T X X I I .

Si quæ ardenter petimus non conemur
etiam prout possumus exercere, atque
implere oblatis occasionibus, vanæ
erunt petitiones nostræ. Semper enim
cum

SANCTITATIS

89

cum petimus aliquid, obtinemus auxilij,
quo si non utimur ad opus Dei; defodi-
mus talentum datum, digni ut quod da-
tum est auferatur. At si accepto talento
negociamur, multiplicabit Dominus ta-
lenta iustitiae nostrae. Si optarem verè
sanitatem consulente medico, ut V. G.
deambulem aliquantis per, ad id conarer
quantum possem, at si conarer plura
possem, quia per hæc remedia conva-
lescerem. Si expecto tantum auxilij ut
nihil operando laboris sentiam, lecticā
volo devehi in cœlum. Et Sancti sen-
sere difficultatem, & vicere, Et de mul-
tis legimus Martyribus qui cum ad tor-
menta ventum esset graviter trepidā-
runt, implorato tamen nomine Domini
vim repugnanti naturæ intulerunt. Ita
cum occurrerit occasio exercendæ hu-
militatis, patientiæ, obedientiæ pauper-
tatis charitatis; trahe vel invitam natu-
ram, velut recalcitrantem equum, quo-
niam Regnum coelorum vim patitur, et vio-

H 3

huius

lenti rapiunt illud. Nam si differas de die
in diem, qui non est hodie, cras minus
aptus erit. Recalcitranti tibi tanquam
severus tortor insulta. Hic est fructus
etuarum simulatorum devotionum? Miles
semper animosus es praeter quam cum
pugnandum est. Et quia imbecilla ho-
minum memoria, non potest in promptu
habere tam multa, quæ in meditatio-
nibus sparsa sunt: cum tamen omnia &
singula exercenda sint aliquando: in me-
moriæ subsidium brevem hunc elen-
chum, seu indicem subjecimus omnium
affectuum piorum, qui virtutibus supra
expositis proprij sunt: ut contuentes
uno aspectu affectus omnes in quibus
exercendi sumus in horas quotidiana
frequentatione, familiares eos nobis
reddamus.

Est autem triplex horum affectuum ordo.

1. Erga te ipsum.
2. Erga Deum.
3. Erga proximum.

Affe-

S A N C T I T A T I S.

91

Affectus erga se ipsum sunt illi omnes
qui amorem sui extirpare possunt ab
anima.

Illos igitur oportet esse sacerdos, imo
etiam quasi crudeles. Nam quantum
cunque in se ipsum aliquis desævire vi-
deatur; parum tamen præstabit, si non
tinget potius odium sui, quam verè ode-
rit, non enim injuriā clamat Apostolus.
*Nemo carnem suam odio habuit: & omnes
querunt quae sua sunt.*

Itaque affectus hi remissi nequaquam
esse debent, sed potius æquò asperiores.
Ut enim ad media pervenias, summa tibi
proponas oportet: dummodo illud altè
desfigas in tuo corde; hæc assumi in re-
medium humilitatis, & abnegationis
tuæ. Cui postquam vacatum est, reli-
quo toto die cor dilatandum est in læti-
tiam Spiritus, & gaudium in Spiritu san-
cto. Quoniam tristitia affligit caput,
pusillanimem facit, exsiccat spiritum, ut
si peccandum sit, in alteram partem po-

cius, quoniam peccandum sit: *hilarem datorem diligit Deus.* Et dilatato corde facilius curritur in via Dei, unde Apost. *Gaudete, &c., iterum dico gaudete.* Hujus autem lœtitiae materia suppetit ex affectibus erga Deum, ex gloria Paradisi, & ex meditationibus excitantibus fiduciam in Deo. Notandum est illud, quamvis affectus huius proprietate convenire videantur magnis peccatoribus, esse tamen ab omnibus exercitos in suo gradu, tum quia nihil ab uno homine peccari potest, quin possit ab alio nisi Deus impediret vel gratiam, vel aliqua naturæ qualitate: tum quia etiam Sancti experiebatur in se ipsis horribiles quasdam tentationes, seu passiones, & pessimas inclinationes, quarum Victoria Dei munus est.

Tum quia quotidiani lapsus nostri quamvis in materia levi, magnam tamen nobis ad humilitatem, & odium nostri præbent iniuriam, si consideremus quantum Numen offendatur, & à quantulis,



& quantâ beneficiorum mole obligatis.

Primus itaq. Affectus est.

Conceptus, tanquam de pessimo, & nequissimo omnium hominum, quo nihil detestabilius Deus videat in regno suo.

Secundus.

Horror, & nausea, tanquam de animalculo quod Domino suo relicto, præcipitavit se in lacum horrentem tenebris ignorantiae & errorum: plenum Scorpionibus & vepribus odij, invidiae, impatientiae, rancoris, malignitatis in alios: opletum intolerabili & densissimo fumo superbiæ, arrogantiæ, præsumptionis: computrescentem omnibus fordibus, & immunditijs concupiscentiæ.

Tertius.

Erubescens, contemptus, confusio, quæ operiat faciem suam semper: ac si pudenda ejus revelasset Deus omnibus gentibus. Erubescendum enim magis à Deo illa sciri, quam à toto mundo. Ita sis semper cum de te cogitas, pudibundus,

dus, & tristis: ac si momentis singulis ex-
pectares vel sententiam qua citareris ad
judicium, vel raptores, qui te de carcere
rapiant in patibulum.

Quartus.

Odium & abominatio velut contra
rebellem, furciferum, & contra propheta-
natorem Universi: omnibus enim crea-
turis abusus est, aut fuisse abusus quod
in se erat, nisi Deus obstitisset.

Quintus.

Indignatio, & ira in perpetuam ultio-
nem rabidi canis, ac lupi, qui laceravit
filium Domini sui. Nostra enim peccata
filium Dei crucifixerunt. Unde si alia
ultio sumi non potest; crebris increpa-
tionibus, contumelijs, opprobrijs, expro-
bationibus infectandus. &, sicut qui-
libet iniunco servit invitus, & nocet ul-
tionibus: ita cum tibi necessaria submi-
nistras, amarus ac tristis esto: cum flagel-
la, latus atque alace.

Sexto.

Sextus.

In gratitudo, ut tuorum tibi laborum
præmium nullum quæras, aut reddas: te
itaque onera, & oneranduin trahe labo-
ribus omnibus: sed ab ijs, pro quibus la-
boras nihil expecta gratitudinis, sed ma-
lum pro bono. Assuesce omnibus bene-
facere, & ab omnibus mala pati. Quare
expecta, & quære vilia in vestitu, in cibo,
in cubiculo, & in coeteris. Examina, &
videbis non pauca quæ circumcidas ex
commodis.

Septimus.

Admiratio, quod te adhuc Creator, &
creaturæ tolerent: tua te protegit hy-
pocrisis, & extrema DEI misericordia.
Non te præpares ad delicias, quicquid
nunc mali, quod minus gehenna sit, pa-
teris, beneficium est.

Octavus.

Severitas in subigendis tuis appetibus,
voluntatibus, gustibus judicijs insurgen-
tibus. Memor esto ex ijs quænam mala
exper-

expertus sis, & experieris: quare omne tuum dictamen, & motus suspecta tibi sint. Ideo tui carnifex esto.

Nonus.

- Diffidentia sui
- | |
|---|
| 1. In via virtutis.
2. In talentis, & habilitatibus.
3. In te ingerendo ad magna opera. |
|---|

In via virtutis. Nam si quid boni motus experiris, DEI munus est, te retrahentis à lacu miseriæ, sed paulo post tam iterum, atque iterum te dabis in præceps: virtus tibi agglutinatur sputo, quod cito arescit.

In talentis, & habilitatibus tuis, in consilijs prudentiæ tuæ. Quoties scoria tibi splendescit pro auro? adhibe æmulos, & docebunt te, de te.

In te ingerendo ad magna opera. Pro gloria Dei minora potes quam præsumis: te quærvis vendere, non Deum glorii-

glorificare. Nam si Deum quæris, cur doles ad magnas res alios assumi non te? quod si qua in re Deus tuo utatur ministerio, scias eum frequenter utimandibula asini, vel fractis lagenis contra Iericho. Mox ea quibus usus est projicere, nec desinere eas mandibulas esse & lagenas.

Affectus erga DEUM.

CAP. XXIII.

Primus.

Humilis adoratio cum timore, & tremore ex conscientia peccatorum & vilitatum, præsertim in templo, & in rebus sacris. Quid prophanus in sanctuario? ad divinæ præsentia majestatem ubique ex centro, & nihilo tuo contremisce; ut folium sub turbine ventorum, & fugitivus passer inter fulgura.

Secundus.

Est poenitentia luctuosæ, & semper lugentis sua delicta.

I

Tibi

Tibi soli peccavi, & malum coram te feci.
 Peccatum meum contra me est semper,
 Miserere figmenti tui Domine.
 Imperfectum meum viderant oculi tui.

Tertius.

Vera fui oblatio in omne Dei beneplacitum.

Paratum cor meum Dens
 ut jumentum factus sum apud te.
 Quicquid mihi evenit de tua manu accipio, statue quid velis.
 Domine quid vis me facere?

Quartus.

Fidelitas, & zelus glorie Dei, paratus
 ad extrema omnia potius quam peccare
 in Deum, aut ab alijs pati nomen DEI
 blasphemari.

Quintus.

Laus, glorificatio, actio perpetua pro
 tot misericordijs gratiarum.

Sextus.

Spes & filialis decursus in omnibus
 difficultatibus. Revela Domino viam tuam,

cum

cum ipso sint consilia tua , nec parvum ,
nec magnum aggredere , nisi Deo com-
mendatum : & certo crede , Dei miseri-
cordiam esse majorem tuis demeritis ,
nec defuturum inter quoscunque flu-
etus , & naufragia te videas ?

Septimus.

Amor dulcis , & jugis liquefactio , ad-
miratio , desiderium , familiaritas , ac si
semper coram Deo , quem in omnibus ,
& per omnia videre potes si vis , præ-
sens adesses : nam ex ipso , per ipsum , & in
ipso sunt omnia .

Affectus erga Proximum .

C A P . X X I V .

Primus.

A Mor , fidelitas , cœca obedientia erga
Superiorem , tanquam erga perso-
nam Christi . Coetera ne consideres alio-
quin aut egrè obedies , aut recepisti mer-
cedem tuam . Aperias ei libenter animam
tuam : hunc enim Deus , & Patrem tibi
dedit , & Medicum .

Secundus.

Humiliatio vera sui, sub quolibet etiam minimo. Idq; quantum decet, & gestu, verbo, loco profitere, paratus ab omnibus corripi, & doceri.

Tertius.

Patientia, & mansuetudo in calumnijs, irrisionebus, in oppressionibus, & sui contemptu. In censum tuum hæc omnia cadent. Age gratias quod te adjuvant ad abnegandum tui amorem, ad texendam tibi purpuram Christi. In his itaque vel fatere si peccasti, vel tace, vel præbe satisfactionem contra scandalum, vel elude ironice, ut occasio docebit: aut si expediatur, expone causam tuam superiori, & quiesce.

Quartus.

Justitia, ut risus in laudibus, quas trahunt hypocriti, non vident quid lateat in sepulchro dealbato. Nihil posside in alienis judiciis de te. Si quid tale possideas; te inquietat, excoecat, & ludificat.

SANCTITATIS: 102
dificat. Dominus tantum sit pars hæreditatis tuæ.

Quintus.

Libertas Spiritus. Tum in negotio
Dei, & in valde probabili veritate tuenda:
modestè, & efficaciter, semper ta-
men salvâ pace, quâ nihil Deo charius
est; & humilitate, quâ alijs cædas liben-
ter in dubijs. Tum in obeundis morti-
ficationibus: à quibus nullus te pudor
deterreat. Quid obliquius, quam velle
agere meretricem in malis, virginem in
bonis?

Sextus.

Prudens simplicitas in conversatione:
Prudens, ne quid contra proximum aut
Deum agas, ne ex culpa tua ridiculus sis:
aut ne eligas pro Christiana lætitia servi-
lem, & inverecundam. Nam verecun-
dia, & erga seniores reverentia, maximè
juniores decet. Prudens, quia ne omnia
quidem bona, publicè dicenda. Simplex,
ut caveas aulicam astutiam, aut studium

contradicendi : ne erubescas loqui de rebus pījs. Quem enim pudet loqui de arte quam profitetur ?

Septimus.

Materna in quemlibet dilectio. Per quam de alienis bonis, ut de suis, aut divinis gaudeat , gratuletur , tristetur , ac misereatur malis, non secūs ac proprijs. Adjuvet proximum in omni necessitate corporis & Spiritus, oret pro omnibus, neminem judicet, aut infamet: sed tegat, excusat, emendet.

Quo ordine, & quibus temporibus
predicta tria instrumenta
tractanda sint.

C A P U T X X V.

Quamvis ista res melius perficiatur spiritualis Patris consilio , qui singulis juxta eorum qualitates accommodare potest remedia : Regulare tamen existimarem, si aliquid non obster, horum trium instrumentorum tractatum,

&

& usum , ordinandum esse hoc modo.

Primo.

Meditationes virtutibus h̄ic assignatæ, videntur obeūdæ horā matutina orationis, cuius prior dimidia pars tribuatur humilitati, posterior fortitudini. Sequenti vero die, semi horā unā meditandum est de obedientia , altera de charitate. Atq; ita alternis diebus variandum propter maximam harum virtutum necessitatem, & connexionem inter se. Et ne frequentatio pariat satietatem: Harum virtutum singulis assignata est magna copia meditationum, quæ si per hebdomadam distribuantur, vix ad eandem redditur post decimum quemque diem.

Secundo.

Ad finem autem cuiusque meditationis addatur petitio, uno, pluribusve modis superiùs explicatis.

Tertio.

Paupertatis, & castitatis meditationes, satis erit legere ter , aut quater in mense

cum plus exercitatione, quæ meditatio-
ne indigeant.

Quarto.

Idem iudicium est de ijs, quæ tradita
sunt, tum de meditandi modo, tum de
remedijs, inde devotionis & distractionis.

Quinto.

Instrumentum tertium, hoc est actu-
um & affectuum exercitatio ; tota die
tractandum est quoties occasiones sese
obtulerint , aut commodè quæri pos-
sunt.

Sexto.

Jaculatorijs, precibus reservari possent
meditationes de Paradiso , & de dulci,
teneroque affectu in Deum.

Septimo.

Tempus ad examinandam conscienciam
datum , expendendum videtur hoc
fere modo.

i. Quia morbi cognitio primus est ad
sanitatem gradus quilibet conari debet:
ut partim suo ipse examine , partim di-
vino lumine implorato, partim Superio-
rum

SANCTITATIS.

105

rum monitu recte intelligat, quibus laborat imperfectionibus, & quibus egeat virtutibus.

2. Examinandum est, quantum eo die profeceris aut defeceris, & quæ fuerint deficiendi occasiones: ut caveas in posterum, nec sine punitione præterreas quod peccasti.

3. Hoc particularē examine peracto, transeas ad generale. Quod consistit in prælegendis tribus affectuum ordinibus, ut videoas eodem modo quantum, & cur in singulis proficias, aut deficias; & defectus punias. Partem autem illorum affectuum percurrere potes examine antemeridiano, partem serotino.

Octavo.

In Missæ sacrificio sive faciendo, sive audiendo, quotidie aliquid de Passione Christi, quæ illic recolitur meditandum est: quam meditationem Sacerdotes per Primam, Tertiam, Sextam, & Nonam deberent extendere propter ejus utilitatem,

teim, commendando semper Ecclesiae ne-
cessitates, patienti Sponso.

Nono.

Ad vesperas, & completorium paulo
amplius se possent effundere in medita-
tiones, pr̄ cibis jaculatorijs attributas.

Decimo.

Ad Matutinum, & laudes nihil esse
puto utilius, quam ut constanter, & at-
tentè considerentur ac exercitentur se-
ptem affectus erga Deum, pr̄fertim
actio gratiarum, particularius descen-
dēdo ad beneficium Creationis, Providen-
tiæ, Redemptionis, Fidei, Baptismi. Reli-
giolæ vocationis (si es Religiolus) ubi
& prolixius esset orandum Pro Ecclesia,
cum illic oret Sacerdos ut Ecclesiae mi-
nister. *Undecimo.*

Hoc ordine, & modo quā tria illa in-
strumenta tractaverit, dubium non est,
eum in virtutibus valde profectum
quamvis id semper non experiatur. Isye
nec perpetuis gaudet consolationibus,
nec

nec à temptationibus, sic immunis. Hæc enim Deus ad humilitatis custodiam permittit, idque taindiu, quam diu ei videbitur hoc enim totum illius Providentie & charitati committendum est ; Non enim est servi scrutari arcana Domini sui. Sed postquam quæcunque potuit fecit ut hæro suo placeat , in silentio quiescere debet, expectando Dominum ac ejus visitationem cum Psalmista : *Sicut oculi ancille in manibus Dominiæ suæ, ita oculi nostri ad Dominum Deum nostrum donec misereatur nostri.*

Conditiones Orationis.

C A P . X X V I .

UT auditum facilem habeat apud Deum nostra Oratio, his debet conditionibus fulciri. *Primo.*

Necesse est ut sit *Fidelis*, id est ut certissimo confidat , & speret si quicquid boni rectè petierit, à Dco se impetraturū cum hoc Christus doceat. *Amen, amen dico*

dico vobis quicquid o^r antes petitis, credite quia
accipietis, & fiet vobis. Hanc conditionem
ad eo orationi necessariam exigit S. Jacobus in sua Canonica dum inquit: Si quis
vestrum indiget sapientiam postulet à Deo, qui
dat omnibus affluenter, & non improperat, &
dabitur ei, postulet autem in fide nihil hæsi-
tans, qui enim hæsit at similis est fluctui maris.

Secundo.

Humilis. Oratio enim humiliantis se pe-
netrat nubes; quod præclarè cernere est,
in Publicano illo Evangelico, qui stans
à longe non audebat oculos ad coelum tollere,
sed percutiendo pectus orabat, Deus propitius
estō mihi peccatori. Nec mirum, si redijt
in domum suam justificatus ab illo ja-
ctatore vanissimo Phariseo, qui orans
gratias Deo agebat, quoniam sibi vide-
batur non esse sicut cœteri hominum:
velut etiam hic Publicanus. Unde & in
conspectu Domini reprobata fuit oratio
plena superbiæ & jactantiæ, & aliorum
contemptu, & sui complacentiæ. Si quis
ergo

ergo orans se visitari ab eo velit, humilietur magis, & se inferiorē cōteris teneat, alioquin Deus superbis resistit, humilibus autē dat gratiam. Itaq, non est aliquando mirandum si qui semper consolationibus abundārunt imperfectiores postea desolatis evadāt: fieri enim potest, ut in cōsolatione superbierint, ac propterea nullā in oculis Domini gratiā invenerint. Atq; ideo nihil præstātius, quā cum Abraham oraturo, de profundo vilitatis nostræ exclamare. *Loquar ad Dominum cūm sim pulvis, & cinis.* Nec enim Paulus Apostolus prius vas electionis factus est, & ad Apostolatus apicem admissus; quād divina virtute ab equo projectus, & ad terram allitus atque prostratus, est humiliatus.

Tertio.

Pia. Pietas quoq; necessaria est in oratione, quæ bifariam dividitur. Est enim erga nos ipsos, & erga Proximum. Nostra itaque oratio pia sit, nempe postulando bona vel ad nostram, vel ad proximorum

salutem, & p̄fēctionem conduceantia.
Quicquid enim petierimus Patrem in
nomine JESU dabit nobis, ut ipsem in
Evangelio spospondit. JESUS autem
Salvator est, & ad salutem pertinentia
si quæ petierimus, non præterit surdis
auribus.

Quarto.

Devota. Ut possit dicere cum David.
*Dirigatur Domine oratio mea sicut incensum
ante conspectum tuum.* Devotio autem
promptitudo illa est voluntatis, & con-
formitas cum divina voluntate; ut idem
cum illa velit, idem nolit, & quæ eadem
animi alacritate quicquid à Domino da-
tum fuerit, prompte recipit & amplecti-
tur. Desiderium item suum cum divina
uniendi voluntate.

Quinto.

Non vocetenus, sed intimis præcordiis emissā.
Deus enim non oris, sed cordis petitiones
respicit, & condonat. Quamobrem cum
Anna Samuelis Matre corde clamandum
est

est ad Dominum. Id est vivis, verisque
gemitibus, non remissis, & languidis.
Vox enim illius, inquit scriptura, penitus
non audiebatur, ne forte reprobati audia-
mus a Domino, quod & Hebrei. Populus
hic labii me honorat, cor autem eorum longe
est a me.

Sexto.

Affidua, & perseverans. Oportet enim
semper orare, suis V. G. temporibus, &
juxta Apostolum sine intermissione oran-
dum est, nec sine causa & mysterio in
Actibus Apostolorum, cum mirabilis illa
S. Petri e carcere nocturna eductio divi-
nitus per Angelum facta narratur, addi-
tum est ante a S. Luca. Oratio autem fiebat
sine intermissione ab Ecclesia ad Deum, pro eo.
Ut ea re indicetur, vi perseverantibus in
orationibus Ecclesiae impetratum, tan-
tum in tanto Principe beneficium. Quam-
vis enim nollet amicus ille de quo in
Evangelio Lucae xi. assurgere, & jam me-
dia nocte dare panes indigenti amico,

dedit tamē prōptēr alteriō importunitatēm; itaque improbitas illa, & perseverantia extorsit, quod modestia non potuisset, quam Christus Dominus parabolam egregiā illā clausit promissione, & sentiā. *Petite, & dabitur vobis, Quærite, & invenietis, Pulsate, & aperietur, omnis enim qui petit accipit.* Cū etiam valiam per pulchram addit similitudinem de Patre, qui nihil negare potest petenti filio, atque inde mirum subnectit argumentum. *Si ergo vos cum sitis mali nōstis bona dare filiis vestris, quantō magis &c.* Alio autem loco ibidem ab eadem Veritate Vidua quædam inducitur quæ improbitate sua iniquissimum Judicem flexit, qui nec DEm timebat, nec homines reverebatur. Multum itaque valet apud

*DEUM precatio justi assidue Jacob.
in sua Canonica.*

Impe-

Impedimenta Virtutum.

C A P . XXVII.

Primum.

Quia nos sincere non resolvimus ad servandum Deo. ex quo defectu resolutionis, nascitur in nobis tepiditas, & negligentia in rebus spiritualibus : ista excitat quandam difficultatem in vincendis & mortificandis suis passionibus, ex eadem etiam procedit quod non queruntur media ad faciendum profectum. Propterea docet S. Dorotheus quod homo Spiritualis debet facere sicut ille Philosophus, qui volendo evadere perfectus in Philosophia, querit omne medium quo possit juvari ad hunc finem. Et quod non queramus media, oritur ex propria voluntate & inobedientia, & hoc est, ut dicit Cæsarius, ex eo fit quia cor nostrum DEo aperire nolumus per orationem, exercitia, examina, per mortificationes, per desideria. quod juxta predictum Cæ-

sarium significatur per illa verba. *Petite & accipietis, quærite & invenietis, pulsate & aperietur vobis.* hoc est petite orando, quærite laborando, pulsate desiderando, proficietis & perseverabitis. Nam qui cor Deo apertum habet, omnis res illi appareat dulcis & suavis, & è contra qui non est fundatus super hanc petram, hujus fabrica est in maximo periculo, ne ubi venerint pluviæ passionum, flumina tribulationum, venti temptationum, tota corruat. Talium est cor una solitudo per quam liberè vagantur ut bestiæ, cogitationes.

Secundum.

Secundum impedimentum sunt scrupuli, & certæ dubietates ac timores, propter quos homo in omni sua actione timet, ne forte consenserit. Et talis est similis Iſraëlitis, qui videndo venientes Ægyptios, metuebant, & non considerabant, quod Moysen haberent secum, qui nobis significat Superiorum & Patrum Spiritualium directionem, neque attendebant

ad

ad hoc quod illos sequeretur Angelus cum nebula, hoc est gratia cum divina benedictione.

Tertium.

Animo concidere. & hoc potest provenire ex quinque vel sex capitibus, quorum primum est.

1. Nimia consideratio asperitatis in via Spirituali, cogitando quantum debet esse obediens, quantum patiens &c.

2. Quia considerat potentiam inimicorum, de quibus S. Paulus. *Non est nobis collectatio adversus carnem, sed contra Dæmones, & potestates tenebrarum.* Redium hujus mali est, considerare. Si nos inceperimus, Deus adjuvabit, cum sit Dominus Exercituum, & poterit nobis in succursum mittere unam Legionem Angelorum, sicut misit Eliæ.

3. Nimia apprehensio longitudinis temporis, quo est laborandum in via Domini, quod ipsum Hebrais accidit, dum cogitarent se debere longissimum

iter facere in terra*m* promissionis, ut ait Scriptura; despicerunt terram promissionis. Remedium est, considerare quod vita nostra brevis, & præmiuin est æternum.

4. Commoditates corporales, dum cogitat quis, se in nullo debere suæ voluntati satisfacere. Remedium est: sperare in Domino, quod neque in temporalibus te destituet, sicuti fecit Israclitis, quando patiebantur sitiū, tum aquam illis de Petra eduxit, demisit ex aere Manna, & coturnices.

5. Ad hoc impedimentum refertur illa molestia quæ est in subjectione Patris Spiritualis, dicendo: non plus ille scit quam ego. Ille me non melius diriget; sine illicius Consilio bene possum progredi. Hoc verò vitium valdè displicet Deo.

6. Ad hoc item impedimentum pertinere videtur Ablatio consolationum Spiritualium, quod aliquando inveniamus nos in desolatione tam interiore quam exte-

exteriore, ac si essemus derelicti à Deo &
ab hominibus, imò ab his contumelijs &
injurijs contingit affici, quo casu qui
non est solidus, faciet, sicut fecerunt
Israelitæ, qui cùm non invenissent Moy-
sen à quo soliti fuerunt accipere consola-
tiones, ille autem in monte morabatur
cum Deo: cœperunt comedere, bibere,
cantare, ludere, imò adorare vitulum:
ita servus Dei qui non est solidus, ubi
destituetur consolationibus spiritualibus,
incipiet quærere exteriore, quærendo
in re omni suum gustum ac æstimatio-
nem.

Quartum.

Et hoc impedimentum fortasse est
majus alijs hactenus enumeratis, estque
Amor proprius, qui potest esse duplicitis
generis, bonus scilicet, & malus. Bonus
est cùm homo seipsum amat per ordinem
ad Deum, juxta ejus nimirum Sanctam
vbluntatem. Malus & inordinatus amor
est, quo aliquis se amat non propter
Deum, sed propter se, & de hoc est in

præ-

præsentiarum sermo. Proinde amor hic non est aliud quam affectus inordinatus quo sibi suoque bono aliquis intendit illud ad suum comodum & interesse referendo, & hic amor reperitur, vel in rebus ad corpus, vel in rebus ad animam spectantibus. Quæ corpus concernunt sunt duplicis generis: vel illi scilicet intrinseca, vel extrinseca. Intrinseca sunt, uti nostræ passiones & appetitus, quibus amator sui, dum satisfacere conatur oblitus Dei, solum ad hoc attendit ut expletat, quod passio postulat. In rebus exterioribus querunt commoditates sensuum, vel in victu, vel in vestitu, vel in sua laborum. In victu quidem specie necessitatis querendo voluptatem, quia hoc proprium amoris sui, requirere non quod est necesse, sed quod delectat: & ubi sufficeret parum, aut aliquid deterrimus pro sustentatione corporis, multa postulare. Videmus quibus panis & aqua sufficit ad victum, & illi antiqui Patres

in Ægypto scimus quām paucis fuerint contenti. & hoc solet ordinariè accidere illis, qui postquam cœperunt servire Deo in spiritu, hunc amiserunt. Eodem modo in vestitu amor proprius non est contentus ijs quæ explent necessitatem, sed querit commoditatem, & hoc quod placet: unde res meliores ac novas querit. Hoc idem circa res alias contingit, in quibus gustum ac voluptatem sectatur, & ad hoc pauper non advertit quod se ipsum decipiat, nam si est Religiosus, ita procedendo passim amittit meritum obedientiæ; sicuti, exempli causâ, cum obedientia præcipit ambulare, hic non habet pro fine ut satisfaciat obedientiæ, sed ut se oblectet in ambulando & tempus fallat, & non advertit, quodsi hoc ipsum faceret ex obedientia, lucraretur meritum, & insuper se recrearet. Talis etiam non vult fatigari, nam est nimis certum, quod amatori sui non possit res magis contraria evenire, quām se ipsum fati-

fatigare, unde quando illi occurrit modus se excusandi, vel dicendo, se non posse, vel alius modus evadendi, illum arripit, vel saltem murmurat, & tales fugæ valde sunt suspectæ, ne procedant ex eo, quod non sapiat Deus. Videamus Operarios multos toto die laborantes in multo sudore & fatigatione & vix adhibentes panem & aquam, ut tantum pecuniam conservent: Servus verò Dei conqueretur de fatigatione? Confusio hæc est nostra, quod plūs in corde istius operetur spes pecuniae, quam in nobis spes Deum, & ejus amorem lucrandi.

Jam restat ut ostendam, quomodo amor proprius occupat animam, non solùm quando agitur, de scientijs: sed etiam circa res spirituales.

Primum est. Cùm multos Dei servos sit necesse occupari studijs literarum & scientijs, ut sic melius possint servire suo fini, & Ecclesiæ, atque proximo: quod tamen absolute neque ad propriam, neq;
ad

ad alienam salutem est necessarium, licet sit valde utile. Acquisitio autem scientiarū triplici modo se habere potest. Vel propter voluptatem quam aliquis habet, dum speculando tandem ad veritatem pervenit, ex quo intellectus suam acquirit satisfactionem: voluntas etiam expletur, & ex hoc sit maxima contentatio, & voluptas animi sequitur. Alter modus quo scientiarum acquisitio se habere potest, ut aliquis in illa Scientia perfectus evadat, ut in ea discurrere ac disputare possit. Tertius modus est, ut acquirat applausum & aestimationem, ut illum coeteri mirentur ac laudent. Sed amor proprius in his quos obedientia studijs applicat omnia invertit. Nam qui deberent studere propter obedientiam & honorem Dei, efficit ut propter se, id est propter proximè supradictos vanos fines studeat. Unde q. vult experiri utrum in suis studijs bestia sui amoris non lateat, oportet Superioris arbitrio acquiescere, ut ille

L

pro-

prosequi, vel relinquere studia jubeat,
& si eo jubente; non ad tuum id gustum
erit, & turbari incipies; tum bene cognosces,
quod non studueris ut Dei voluntatem
impleres: nam si hanc pro fine ha-
buiisses, perinde tibi esset ex obediētia stu-
dere, aut studia omittere. Quocirca cu-
remus esse ab omni rē creata expediti, &
soli Deo adhæreamus, pro quo cōsequen-
do jāvabit Examen particulare, & actus
virtutum, & ut semper puram intentio-
nem habere enitamur.

Ultima est infectio *Amoris proprij quā*
res spirituales maculat, ita ut ubi ali-
quis magnū acquirere posset meritum
& p̄cēmū, incurrat offendam Dei & p̄cē-
nam. Nam dum suas homo cōsolationes
requirit, tam in exercitijs alijs suis spiri-
tualibus, quā in oratione, dici illi potest.
Recepisti mercedem in vita tua. Videmus
hunc amorem sui in eo, qui dum habet
consolationes spirituales, non vellit ali-
ud quā orare & meditari usq; ad destru-
ctionē capitis contra obedientiā. Sed illi

SANCTITATIS.

123

Deus benedictus si suā p̄anū subtrahat,
ad nihil boni attrahi potest. Neq; hæc
ideò dico, quod non possimus recipere
libēter, & desiderare consolationes ejus-
modi, sed ut eas cum indifferentia desi-
deremus, & cum intentione adimplendi
voluntatem Dei. Voluntas autem Dei est,
sanctificatio nostra. Quæramus Dei glo-
riam, gloria autem ejus est, ut nos toti &
per totū conformemur ad ejus sanctissi-
mam voluntatē, quæ ipsa est nostra san-
ctificatio, & sanctificatio nostra est Dei
gloria. Qui deniq; cū hac indifferētia pro-
cedit, & quæ recipiet cōsolationes ac deso-
lationes. nam & consolationes ordinabit
ad eum finē ad quē sunt datæ, hoc est ad
virtutes acquirēdas: & in desolatione gra-
tias aget Deo, sustinēdo illā patiēter, & si
invenerit quòd illi pro suis defectib⁹ sit
immissa, nō ideò à suis exercitijs spiritua-
libus desistet, sed humillimè defectuū o-
rādo veniā, prosequetur actus virtutū cū
paridiligētia & exactione, totum se & per
totū reponendo in divina voluntate.

SENTENTIAE ET DOCUMENTA
S. PHILIPPI NEREI.

DÆmon, ut potè superbus, & amator tenebrarum Spiritus, nullâ aliâ melius vincitur ratione, quam verâ cordis humilitate; & simplici clarâque, remoto omni velo, peccatorum suorum, ac temptationum Confessario factâ manifestatione.

2. Qui profectum in spiritu facere desiderat, debet secundùm Patrum veterumque Monachorum regulas mundum putare pro nihilo, magni omnes facere; se ipsum contemnere, contemnique ab alijs nihil curare.

3. Semper ab humano pectori humilitatis Spiritum & submissionem requisivit Deus: nec est, quod illi dispiceat magis, quam propriâ sui ipsius intumescere aestimatione.

4. Cùm quod committitur peccatum vel defectus; cogitandum est, in superbiaz
pœnam

pœnam id à Deo permissum esse, estque
perniciossimum, suds excusare defe-
ctus. Ac propterea cum quis labitur,
debet dicere: si fuissim humilis, nequa-
quam cecidisse.

5. Si quis defectus admissi moneatur
ab altero, debet monitionem eam animo
hilari humilique accipere, nec ideo tri-
stiam, aut acediam admittere; quia sæpè
est acedia tails, cui ex superbia dolet cor-
rectio, multò quam ille ipse, qui admissus
erat defectus, damnosior.

6. Crux & tentatio nequaquam à Deo
petenda sunt, cum quadam de proprijs
viribus ad eas superandas præsumptione.
Humiliter tamen ac confidenter peti ab
eodem potest gratia ac vires, ad promptè
hilariterque sufferendum omne id, quod
Divinæ nobis imponere visum fuerit
Majestati.

7. Dum quis ex morbo decumbit
corporali, cogitare debet ac dicere: Ist-
hanc mihi D̄Eus immisit ægritudinem,

eo quod quid a me desideret. Quare
constituo omnino mutare vitam (tamen
cum ipsius auxilio) & me ad frugem
meliorem recipere.

8. Jejunia, flagella, & corporis affli-
cationes ejusdem modi, non debent sine
Confessarij licentiâ adhiberi. Et qui-
cunque id genus res proprio adsumit
arbitratus, aut labefactabit brevi valetu-
dinem: aut quod sibi grande quid præ-
stare videatur, in superbiam præcipitabit.

9. Quærenda quidem est scientia, sed
sine curiositate & sollicitudine. Quod si
quid didicisti, occule, nec ostenta; sed eo
in vitam utere emendandam.

10. Magna cordis est perfectio, discre-
tum esse, nec terminos prudentiæ tran-
silire. Et multi tamen, eorum maximè,
qui primum incipiunt DEO deservire,
quod virtute careant discretionis, vitam
aggreduintur asperrimam, & poeniten-
tias suscipiunt longè laboriosissimas, je-
junando strictissimè, horrida portando
cilicia,

cilicia, super asseribus nūdis dormiendo,
vigilando, totasque perorando noctes.
Quæ cùm ipsis improportionata sint,
viresque illorum non modicè excedant,
ideò deprehendunt tandem se & illusos
& malè affectos indispositosq; tam quo-
ad corpus, quam quoad animam.

11. Non ita medijs inhærendum est,
ut finis, in quem media collineant, nulla
omnino ratio habeatur. Quare vehe-
menter errant illi, qui non nisi ad corpo-
ris per abstinentias, flagella, peregrina-
tiones, cilicia, & id genus alia, attendunt
afflictionem, in eaque conquiescunt,
quasi omnis in ea sita esset perfectio;
nec advertunt ea omnia media nihil o-
mnino esse, nisi hominem ad timorem
Dei, ipsiusque mandatorū ex amore ob-
servationem, ad humilitatem, ad avul-
sionem à mundo, quo toto corde Deo
deserviat, adducant.

12. Sunt nonnulli, qui sensim sese
novis ac novis oneribus aggravent, im-

L 4 perentq;

perentque sibi in dies singulos & corona-
nas plurimas, & Loras Virginis Sanctissimæ, & Officium Defunctorum & di-
versas orationes, alias in alios fines; &
complura præterea alia. quæ ut fortè
bona sint singula; omnia tamen simul,
nimia sunt, & obruunt oraturum; ac tan-
dem, superante nauseam, omnino relin-
quuntur: præterquam quod tot onera
mentalem impedian orationem. Bonum
tamen est, certam aliquam sibi imperare
devotionem, eamque serio persequi, nec
unquam intermittere.

13. Nil opus est omnia uno velle per-
ficere die, & intra quatriduum, sanctum
fieri; sed pedetentim & gradatim per-
gendum est.

14. Difficilius curantur illi, qui nimis
multum; quam incitentur, qui nimis fa-
ciunt parum.

15. Utilissimum est, proprias inter-
dum interrumpere devotiones, quando
ita Confessario videtur.

16. Si

16. Si quando accidit, ut consueram
jubeat Confessarius in aliud differri tem-
pus Communionem, jussaque nolit ob-
sequi persona, sed firma in proposito
perseveret suo, sentiatque de mandato
tali displicentiam; id quidem exigua est
devotio, sed illustre pertinaciæ signum
modicæque mortificationis ac superbiæ;
quo indignissimam scilicet se se tanto
reddit Sacramento.

17. Qui propriam scit refrenare vo-
luntatem, & sua suæ animæ negare de-
sideria, in præalto virtutis gradu est. Ne-
scire autem id, nec curare discere; est se-
cum infinitarum circumferre semina-
rium temptationum; & hic talis pronissi-
mus ad indignationē est; amicitias rum-
pit facillime; & raro latus, sed ut pluri-
mū melancholicus & turbulentus est
ob ea, quæ ipsi accidunt.

18. Non est certum interioris devo-
tionis signum, exterior; ne ipsæ quidem
lachry-

lachrymæ. Nam etiam foeminae non bonæ lachrymaruntur facilimè, nec ed tamen sanctæ sunt.

19. Si quis repulsam patiatur apud Principes aut Superiores, id ne ægrè ferat, nec ullū forinsecus signum det indignationis, sed ad eosdem redeat cum eadem vultus liberalitate, omnemq; illis suspicionem extorqueat, animi eâ repulsa exulcerati.

20. Si quando expediret personā Principem notabilis defectus commonefieri, consultiùs esset, corrigere in speciem personam tertiam; quod ita facilis ac suavius pro se eam acciperet correctionem persona Princeps; nec ita indignaretur, quod in se alijs sibi sumere magisterium audeat.

21. Qui sibi ab alijs vult multum obediiri, imperet parùm.

22. Obedire sine discursu, certoque sibi persuadere, id quod imperatur, esse eorum, quæ possit facere, optimum; optima

ma est obedientia. Et quia in aliqua Congregatione est, debet ad obediendum esse longè promptissimus, & res omnes alias propter communes relinquere.

23. Non sufficit, solum honorare Superiores, honorandi insuper sunt & æquales, in modo inferiores, & omnes ut tute honore prævenias, conandum est.

24. Fugere omne genus singularitatis, ad virtutem pertinet, nec præterdere se se aut esse plus alijs, aut alijs plus facere.

25. Raptus, extases & lacrymæ palam ante oculos plurium, suspecta sunt. Nam gratia amat umbram & recessum cordis, nisi aliud utilitas proximi exigat; natura vero propriam querit excellentiam, amatque videri palam & monstrari.

26. In bono ne tarderis. Nam nec mors tardatur; & beatus juvenis, cui tempus ad bene operandum concedit Deus.

27. Otium, res pestilens homini Christiano est; ac propterea semper quid agendum esset, maximè cum quis solus in cubiculo

biculo est: ut vel legendus liber quispiam spiritualis, vel vita Sanctorum, vel Scriptura sacra, vel dicēda corona, vel componendi libri, vel sternendus lectus, vel quid simile: ne quis à dæmone inveniatur otiosus.

28. Ad persequendā virtutis viam non modicum conducit, cogitare; non esse ullum in hac vita purgatorium, sed vel cœlum, vel infernum. Nam is, qui servit Deo serio, omnem sibi crucem & afflictionem vertit in gaudium & consolacionē, haberetq; suum interius paradisum; sed qui contrariū facit, sensusq; sequitur; habet in hoc & in altero mundo infernum.

29. Frequens peccatorum confessio, animæ nostræ magnorū est occasio bonorum, quod ipsam expurgat, sanat, & & in divino confirmat servito: ac propterea nunquam destinato tempore, quocunq; etiam fese ingerente impedimento, esset intermittenda; sed prius confitendum: inde negotium aggrediendum,

diendum, quod utique tali cum auxilio
felicius expediatur.

30. Melancholia animiq; conturbatio
non parum adfert spiritui nocimenti;
cum laetitia contrà confortet cor, mul-
tumque juvet perseverantiam in bona
vita. Quo circà continenter deberet esse
animo hilari serenoque servus Dei.

31. Scrupuli, quod inquietant ani-
mum reddituq; melancholicum, studio
omni ac industrià fugiantur.

32. Non debent gratiæ , quales sunt
sanitas, divitiæ, prosperitas & si quæ si-
miles, à Deo peti absolute, sed conditio-
natè, si videlicet ita Deo placeat, utilesq;
sint, & non noxiæ petenti.

33. Si quam interiorem gratiam con-
cedat Deus, nulli ea, præterquam Patri
spirituali manifestanda est; alioquin per-
ditur.

34. Qui inservitus ægrotō est, æ-
grotum illum, ipsum putet esse Christum;
& quicquid operæ ægrotō navaverit,

M

ipſi

ipsi se putet nāvare Christo; quia ita &
majori cum amore præstatur eā opera
& profectu.

35. Cum boni quidpiam ab altero
factum, alter aliquis sibi attribuit indeq;
gloriatur; vehementer gaudere debet is,
qui illud opus navavit bonum, idque in
beneficijs divinis ponere, quod alius id
ipsi apud homines suffuretur; quia sic
idem illud majore cum merito recupe-
raverit apud Deum.

36. Pessimè facit, qui sibi confidit; &
is, qui sese in peccandi conjicit occasio-
nes, dicendo: non labar; labitur plerum-
que majore cum damno animæ suæ. Ideò
qui non vult labi, non debet sibi confi-
dere, & de suis præsumere viribus, sed
Domino dicere: Ne mihi confidas Do-
mine; neu aliud à me, quām peccatum
expectes: ni mihi sis auxilio, labar certis-
simo.

37. Juvenes, ad removendum magis
à se periculū impunitatis omne, omnem
vel

vel minimam peccati huius debent declinare occasionem. Ideo non probabat Sanctus hic, ut sui filij spirituales, se alter alterum contingeret, ne secundum manus quidem; & ne quidem joco.

38. Cum anima in DEI est resignata manus, divinoque contenta beneplacito: est in manibus bonis, multumque de felici secura successu. Et convenit valde ægrotanti, esse resignatum, Deoque dicere: Domine si quid me velis, ecce præstò sum, quanquam nil boni feci: fac me & de me statue, quicquid tibi arriserit.

39. Qui aliud quid vult, quam Christum; non scit, quid velit: qui aliud quid petit, quam Christum, non scit quid petat: qui alium ob finem, quam propter Christum laborat, non scit quid faciat.

40. Nulli rerum creatarum, quamcunq; exigua illa sit ac vilis, adhærescendum est, sed in humilitate inter creatureas conversandum , talisque desiderandus status, in quo unius etiam egeas Juli;

nec eum tamen acquiras mendicando.

41. Nunquam consequetur Spiritum,
qui cupidus habendi est.

42. Decem personæ, mundanis extri-
catæ lucris ac commodis, totum con-
verterent mundum.

43. Anima, quæ se totam dedicat Deo,
Dei est tota.

44. Amor, quem quis superfluum pa-
rentibus, sanguini, studijs, vel sibi im-
pendit ipsi, totus eripitur Deo.

45. Qui DEum amore amat vero, i-
psumque super omnia aestimat, sentit
interdum profluentiam lachrymarum
concursumq; gratiarum eā abundantiā,
ut cogatur exclamare: Satis est, Domine,
sine me.

46. Pro se quisque nec locum habere
debet nec tempus, cùm proximus adju-
vandus est. Et suos deserere gustus,
oratiunculasque propter proximum, est
CHristum propter CHristum deserere.
Estque ea perfectio non vulgaris, id quod
pauci nōrunt.

47. Cum servus Dei non habet quas
patiatur tribulationes illas, neque est,
qui ipsum persequatur injuriave afficiat,
si suum sibi augere velit spiritum, fingat
animo & cogitatione nebulonem aliquem,
qui illi obvius convitia faciat, probra in-
gerat, verbisque injurijs facta insuper
adjungat immania, salutet scipione, gla-
dio feriat, pugnis ad livorem usque sa-
tiet: atque ita pessimè habitus, magno
charitatis ardore, ad exemplum Serva-
toris, inducat animum, ad acceptam in-
juriam autori condonandam, pacatisque
qui fortè insurgerent, iræ atque indigna-
tionis fluctibus, omniq; posthabitâ vin-
dictâ, amore Dei, heroâ illi ignoscat cha-
ritate, non secus atque si eam reapse in-
juriam accepisset. Quo exercitio pau-
latim assuefit animus, ad veras etiam
injurias facilius ingnoscendas, ut miles,
qui in sciachij exerceatur & pugnis
umbratilibus, ad regendum gladiu assue-
facit sensim manum, artemque addiscit.

quâ post utatur etiā, cū serio pugnādū est.

48. Servo Dei necessaria est patientia. Nec debet quis angi tribulationibus, sed æquanimiter expectare consolationem. Nam Deus ullam unquam immittit crūcem, à qua non etiam immittat consolationem. Et loquendo summatim: vita servorum Dei aliud non est, ac crux & consolatio alterna.

49. Illi, qui immissam à Deo non fert æquanimiter crucem, verè potest occinisti non es dignus, quem visitet Deus, nec tantum mereris bonum.

50. Cum cruces in nos, morbi, & quæcunque alia adversitatum ac contrariorū genera invadunt, non sunt ea timidè fugienda, sed fortiter devincenda. Nam si unam tu quidem effugis crucem, incides in pejorem aliam. Et qui pruinā declinat, obruetur à nivibus; & qui evadit ab Urso, incurret in Leonem.

51. Cùm ad sumendum in S. Communione gloriosum Christi Domini Corpus, in

in quo omnes cœli deliciæ sunt absconditæ, accedit servus Dei; stet in timore, & præparet se solito amplius ad obventionas tentationes. Otiosas enim non patitur Deus mirabiles has gratias, quas in illo Divino distribuit Sacramento. Plus enim gratia horret otium, quam vacuum natura.

52. Cum quis novum in anima sua atque extraordinarium sentit spiritum devotionis, præparet se, ob dictam rationem, ad temptationem aliquam atque crucem. Insuper & cum quis ardorem advertit spiritus, petat à Domino vires, ut sufferre possit omne id, quod illi à cælo ferendum imponetur; & ne à temptationibus in peccatum aliquod nec grave nec leve præcipitetur.

53. Si quis quæreret, quænam maxima crux servo Dei possit accidere? Responderi posset; Crucem ipsius esse maximam, omni carere cruce.

54. Caveant sibi, juvenes quidem à
M 4 pecca-

peccato carnis; senes verò, avaritiae. Fugiendo illud, istud vincitur resistendo.

55. Semper timendum, & nunquam sibi confidendum est; quia dæmon ex improviso adoritur & tenebris involuit intellectum; qui que non timet, victus est: nam nudus auxilio Dei est.

56. In temptationibus, quas libido corporis suggerit, confessim ad DEum recurrat tentatus, signumque S. Crucis terminimat pectori, & dicat: Christe Filij Dei, miserere mei. Vel versum: Deus in adjutorium meum intende, Domine ad adjuvandum me festina. Vel, Cor mundum crea in me Deus, & spiritum rectum innova in visceribus meis. & osculatus tertam dicat tentatori: accusabo te ante Patrem meum spiritualem, si me diutius tentaveris..

57. Contra temptationes, quando eæ noctu solent effervesce, valde utile est, antè recitare, quam cubitum te conferas, hymnum: Te lucis ante terminum.

58. Qui

58. Qui orare nescit, non novit Deum.
59. Nihil utilius homini oratione est,
& absque ipsa non diu in via spiritus per-
duraveris. Propterea indies ad hoc po-
tentissimum salutis medium recurren-
dum est, tamen non absque Confessarij
arbitratu.
60. Homo, qui non orat, brutum est.
61. Salutis nostræ juratus hostis, nil
aliud magis timet, nec odit plus, nec am-
plius quam oratione, conatur impedire.
62. Inter orandum non ita affigantur
oculi corporales imagini cupiam, ut ab
ea nunquam avellatur, sic enim cerebro
noceretur. Memoriae tamen poterit
imago inservire, ut eò facilius nobis in
mentem veniat, v.g. Incarnationis Verbi,
vel Nativitatis Christi, vel ejusdem in
cruce mortis. Quod si Sancti alicujus
Sanctævæ ea imago sit; proderit, ut eo-
rundem virtutes ad imitandum memi-
nerimus, eosque deprecemur, ut pro no-
bis apud Deum intercedant.
63. Legisse Sanctorum vitas plurimūm

juvat orationem, & quando spiritus ad easdem inclinat meditandas, meditandæ sunt, & quando ad considerandam passionem Domini, consideranda est. Nec secus ac impellit spiritus, aut orandum, aut meditandum est.

64. Orationem vehementer conturbare solent ea, quæ superveniunt, phantasmata, multique eam ob irruentium cogitationum molestias intermittunt, id quod neutquam probem. Nam, non obstante quacunque phantasiam, quamdiu potest, in oratione perseverandum est. & sœpè Deus concedit in momento, quod plurimo non potuit tempore obtineri.

65. Inter alia, quæ à Deopetenda sunt, est perseverantia in bonis operibus & sincero servitio Dei. Si enim patientia haberetur, & in cœptâ semel dñaretur bona vitâ, spiritus multò maximus acquireretur.

66. Solet persœpè in primâ animæ ad Deum conversione vehemens ac foris affluere spiritus, & post videtur eva-

descere, quasi animam defervisset Deus: sed magnanimum esse constanterique oportet; redibit enim.

67. Vix unquam mori servos permittit suos Deus, quin eos indicio aliquo mortis præmoneat imminentis; vel certè spiritum ipsis antè extraordinariū communicet.

68. Vitæ spiritualis gradus sunt tres: primus dicitur vita animalis: alter humana, tertius Angelica. Id est, solet in principio Dominus ad attrahendas ad se animas, demulcere eas dulcedine quadam certisque spiritibus ac gustibus extraordinarijs, & post singit se longius ire, retrahendo manum suam sanctissimam ab earum dulcedinum communicatione, ut videat animarum in spiritu constantiam, sinitque eas tantisper pugnare ac configere, donec ubi a iquamdiu fortiter retinerint vicerintque tribulationes suas ac tentationes, reconcedat illis priorum gustum ac consolacionum cœlestium etiam alterum tantum.

Et hæc est vita Angelica, in qua nec crux,
nec fastidium sentitur ullum.

69. Sanctorum cuicunque desiderare
præcellere sanctitate, id quidem non est
superbiae. Nam desiderare sanctum esse,
est desiderium amandi honorandiq; Dei
super omnia, quod in infinitum etiam, si
quidem posset, extendi ac dilatari debe-
ret. Amore enim infinito, cum infinita
ejus sit majestas, dignus est Deus.

70. Nunquam propriâ standum pru-
dentiâ est, sed ubique consilium à Con-
fessario capiendum, uti & preces singu-
lorum exposcendæ.

71. Ad perseverandum in vita bona,
sanctoque Dei servitio, frequens necef-
saria, est Confessio ac Communio, & ho-
næ praxes etiam ad hoc non parum ad-
ferunt adjumenti.

72. Pro gratijs per orationem obtinen-
dis eousque continuandæ preces sunt,
dum perfectè, quod petitur, impetretur.
Nam sœpè suspensa oratione, suspendit
gratiam & Deus. Quare si ægrotus per-

orationem meliusculè cōperit habere,
non cō remittenda est oratio. Nam sicut
cōcepit per orationē sanitas, ita per ejus-
dem vires debet redintegrari.

73. Cūm quis inter orādū magnā per-
sentiscit spiritū quietē, bonum id signū
est aut cōcessæ, aut cōcedēdæ à Deo grat.

74. Multi, postquam carnales intrā se
aliasve adverterint tentationes, subdubi-
tant, consenserint ne, necne? Ideò si per-
sona, quæ passa temptationem est, amorem
sentiat ergà virtutem illam, quam ten-
tatio oppugnārat, odiumque in idem il-
lud vitium suggestum; bonum est signum
dissensus. Item si jurare non auderet,
consensisse, signum est & istud dis-
sensus. Nam consensum deliberatum
anima facillimè advertit.

75. A tentatione non nimis disquiren-
dum, consensumne sit necne? nā hu jus-
modi disquisitio, carnalem facile renovat
tentationem.

76. Timendæ sunt tentationes carna-
les,

les, etiam in invāletudine, & ipsā etiam senectā, quamdiu possunt claudi palpebræ & aperiri. Nam fornicationis spiritus nulli nec tempori parcit, nec personæ.

77. Si servus Dei tot inter ubique laqueos cum majori velit transire securitate, pro Patrona apud filium eligat Virginem Beatam, & si non possit Rosarium percurrere; hanc dicat, loco Ave Maria, orationem: Virgo Maria Mater Dei, ora pro me JEsu.

78. Suppellex templi parcē, nec nisi cogente necessitate expendēda est, quod suppellex Dei est.

79. Perutilis quidem est servo DEi lætitia, sed fugienda dissolutio, cavendusque spiritus scurrilis & nugatorius. Nam qui scurrilitate delactantur & nugis, redundunt se divini spiritus incapaces. & si quid boni intra se possidet, id brevi profūdet.

80. Cum sacerdos invisit ægrum, ne agat Prophetam, dicendo, non convaliturum ex morbo ægrum. Nam prædictā morte recuperatāq; ab ægro valetudine,

Sentiri potest displicentia, quod non successerit prophetia.

81. Electio Confessarij maturo insti-tui debet consilio. Nam vitæ difficilis ducem habere expertum, non modicum lucrum est, ast electus semel ne temerè mutetur; sed fides illi habeatur, & quæcunque acciderint, cum illo conferātur.

82. Ad majorem è Sanctorum vitis alijsve libris spiritualibus profectū hau-riendum, non sunt iij curiosè, sed pede-tentium studiosèque perlegendi: cumque quis jam se compungi sentit, aut aliquid in se accendi devotionis, non est ulterius pergendum, sed subsistendum expectan-dumque ac spiritus degustandus est; cum que exspirare occœperit, ad lectionem redeundum.

83. Adbene orandum debet priùs ani-ma profundissimè submittere sese ac hu-miliare, indignamq; agnoscere, quæ stet in tantæ conspectu majestatis; & suam Deo monstrare inopiam, indigentia atq;

N 2 impo-

impotentiam; & sic se humiliata projice-
re in Deum, Deus enim illā orare docebit.

84. Cum quis ait aro est animo totus-
que stomachabundus, vel sentit appetitus
sensuales, molestos eos ac per frequentes;
ne concidat aut fatiscat. Nam cūm Deus
certam alicui largiri constituit virtutem,
permittit eum contrario oppugnari vi-
tio; ut configendo resistendoq; capacē se
illig; quam propugnabat, reddat virtutis.

85. Alienum à ratione est, bonum ali-
quod omittere opus, eò quod inde vana
gloria sentiatur. Nam quādiu vana glo-
ria non est ipsius domina operis, sed quasi
quædam duntaxat comes & socia, non
tollit suum operi meritū; quāquam per-
fæctio requirat, ut in servitū redigatur.

86. Qui Religionem cogitat, discat
si uam ante frangere voluntatem in ijs, in
quib; majorem sentit difficultatē. Nam-
que ita facil; in Ordine perduratur; est.

87. Cum quis ex proprio motu & vo-
luntate statuit apud se, jejunare, corpus
flagris cædere, portare cilicinas vestes, &

si qua similia; id vero Confessario improbat: non debet ab eodem violentè licentiā extorqueri.

88. Maneat quisque domi suæ, id est, intra seipsum: neu sit Syndicus & judex actionum, vitæquæ alienæ: nisi aut judicare temerariè, aut murmurare, aut velit alios contemnere.

89. Qui adhuc tyro est in spiritu, ne quærat alios convertere, sed attendat sibi seque confirmet, ac contra temptationum tempestates præmuniat, sitque humilis, neu credat magnū quid fecisse se, immo nil fecisse putet, ne eat præceps in superbiam.

90. Scrupulosi debent se omnino suo subjicere Patri spirituali, nec suo credere iudicio, alioquin nunquam liberabuntur. Habere quidem poterunt inducias, non verò pacem.

91. Servus Dei debet esse resignatus tam ad gustuum in rebus divinis copiam, quam ad eorundem inopiaim, tam ad lætitiam, quam acediam degustandam.

92. Res est ingratis plena periculi personis spiritualibus; desiderare visiones, & plurimi hunc talem spiritum confectati, in immanem præcipitati sunt ruinam.

93. Ad personam, quæ post diuturnum virtutis studium in peccatum aliquod lapsa est, erigendam, inque pristinum restituendam statum, medium haud est certius, quam inducere eandem, ad solennem aliquā mortificationē sui, v.g. ut hunc lapsū suū alijs magnæ probatæq; virtutis, quibus confidit, aperiat. Nam Deus illam hujus heroicæ humiliatis gratiā, in priorem restituet statum.

94. Unusquisq; propriæ debet quietem conscientiæ procurare: ac propterea si quando quis votum aliquod suscipere cogitaret, consulebat hic Sanctus, ut plerumque cum adjecta conditione, v.g. si potero, si fuero recordatus, vel simili, conciperetur.

95. Debemus nos prosus in manus Dei resignare. Nam si quid à nobis desiderârit Deus: faciet nos in eo, in quo

nostra volet uti operâ, præclaros atque excellentes.

96. Qui se Religiosus in Ordine advertit dissoluto, siquidem inflammatum in se ad omnem perfectionem sentiat spiritum: non debet, deserto suo, alium intrare Ordinem, sed in eo, in quo est perseverare. Nam Deus vult ipsius uti operâ, ad propriam bono ejus exemplo Religionem instaurandam.

97. Defectus naturales, uti sunt, esse claudum, strabonem, & id genus alij, nulli debent exprobrari.

98. Ne nimium sis præceps ad commonendos defectuum ac imperfectiōnum Fratres, sed prius te ipsum post alios considera. Utere item prudentiā.

99. Taliter deberet unusquisq; & tam sancte indies vivere, itaque omnes suas instituere actiones, atque si is dies vitæ ejus foret postremus.

100. Omnes personæ amore amentur vero; nec unquam ob quæpiam verba in

te effusa, haustasque displicentias odium
in aliquem fove, quia in quo corde non
est amor proximi, in eo etiam Deus non est.

101. Qui sibi tristitiae nebulas oboriri
animadvertisit, ne eò turbetur, brevi enim
evanescent: interim tamen ad dispellen-
dam inordinatā illam passionē, orādum
est aliquid, aut hymnus quispiam spiri-
tualis decantandus.

102. Ad præstandam Superiorib⁹ obe-
dientiam promptum esse oportet, & ad
alienam magis, quam propriam exequē-
dam voluntatem.

103. Qui primum sibi in cœlis locum
desiderat à Christo, delectet se semper in
terrī ultimo loco, & si quis sui non esse
habitam advertit rationē, agat Deo gra-
tias, speretque suum sibi in cœlos hono-
rem iri asservatum.

104. In meliorem partem accipiamus
omnia, nec facta aliena dijudicemus.
Misereat item nos defectuum alienorum,
certos, lapsuros nos longè gravius, nisi
à Deo singulariter fulciremus. Et qui

donū aliquod dotem ve nōtāt in se, ne inde superbia intumescat, sed Deo, à quo omne emanat bonū debitas agat gratias.

105. Quærendus ibi Christus est, ubi non est, id est, in cruce & tribulationibus: ubi Redemptor, utpote gloriā coronatus, modò non invenitur. Interim qui affligitur, ne indulgeat querelis, cùm tribulationes nobis à Deo amantissimo Patre nostro Dominoque clementissimo, non nisi ad majorem in cælo coronam promerendam iinmittantur.

106. Quotidie legatur aliquantulum de libro quopiam spirituali, memoriæq; singularis inde aliqua sententia, in maiorem animæ profectum infigatur.

107. Cum quidpiam emendum erit, id non ex affectu erga rem, sed ex indigentia atque usu faciendū est. Unde Sanctus dictabat: ego non emo affectus.

108. Communionis sacræ tempore remedium à Deo petendum est illi præcipue vitio, ad quod quis se magis sentit trahi atque inclinari.

109. Cum quis Altaria visitat petat a
Sanctis, quibus ex dicata sunt, elemosy-
nam spiritualem; cum valde apta sit hæc
ratio spiritus ac devotionis excitandæ.

Atque hæc & ijs etiā plura erant Sancti
hujus documenta; & tale lumen illi Deus,
ad gentes in hoc caliginoso mundo deser-
to illuminandas concesserat, quo tot
personas, quæ in umbra mortis sedebant
illustravit, suisque erroribus extricavit.
Sed omnia hæc sunt tantum paucæ quæ-
dam guttulæ ex fonte illo uberrimo,
quem Deus in ipso excitârat, & quo arida
populorum corda irrigabat, ut in ijs æ-
ternitas beata germinaret.

ORATIONES JACULATORIAE S. PHILIPPI NEREI.

Sicut tu scis ac vis, ita fac mecum Domine.
(& hanc dicebat, si quam, absolutissimam
esse orationem.)

Id de me fiet, quod Deo placet: confido Deo.

O lumen luminum, illumina mentem meam.

Non possū amare te, nisi tu Domine adiuues me.

Velle

Vellē tandem aliquando seme amare te IESUM.

Non cognosco te, Domine; quia non quero te ex corde.

Quero te, Domine & non scio invenire te,
quia non scio querere te.

Si cognoscerem te, ô Deus cordis mei ; co-
gnoscerem etiam me ipsum.

Accende, Domine, in medio cordis mei flam-
mam viuam amoris tui beatissimi.

Da mihi gratiam, IESV mi, ut veniam ad te,
non timore coactus, sed amore tractus.

Quando erit illa dies, bone Domine, ut amem
te solum, idq; amore filialis.

Quid possum facere pro te, ô Domine! amare
te, & facere id, quod placet tibi.

Doce me facere voluntatem tuam, Deus me-
us ; doce me.

Nolo aliud, ac sanctam tuam Domine mi, fa-
cere voluntatem.

Fiat, ut sit in coelo, sic in terris etiam volun-
tas tua.

Quare abscondis te, Deus, ab oculis meis?
Virtus mea infirmata est ; responde tu pro me
Domine, qui potes.

Deus in adiutorium meum intende; Domine
ad adiuuandum me festina.

Nil possum boni facere sine tuo, ô benignis-
sime IESV, auxilio.

Cadam, Domine, si tardas te cum succursu.
Affer Domine in pedimenta omnia, si vis ut
veniam ad te.

Tu es via, veritas, & vita, ô Domine mi.
Mihimet diffido ipsi, & tibi Domine confido soli.
O Saluator IESV, ô IESV salva cor meum.
Obliuiscere Domine mi, meorum omnium
peccatorum.

O Sanctissima Trinitas, unus & verus Deus,
miserere mei.


Si omnia in mundo bona solus ego sacerem,
quid istud tandem eslet!


Benedicta Domina, hanc mihi praesta gratias,
ut tui memor sim semper.


Virgo & Mater; Mater & Virgo!
Virgo Maria, Mater Dei, ora IESVM, tuum
pro me Filium.


Hanc orationem persæpè dicebat S. Pater, ut
potè qui extra ordinariâ deuotione in SS. Virginem ferretur; docebatque eam alios, maximè
ut eam loco Ave Maria dicerent, in defectu tem-
poris pro Rosario orando, dictitabatq; amari
eos ac diligi à Virgine Sanctissima, à quibus di-
ceretur Virgo & Mater Dei, & à quibus
prius benedictum Nomen IESV
eius Filii, quam ipsa nomi-
naretur.

F I N I S.









Biblioteka Jagiellońska



stdr0025026

